


特別
~ 21
3536
3





李卓吾先生批評三國志

第一回

祭天地桃園結義

後漢桓帝崩靈帝卽位時年十二歲朝廷有大將軍竇武
太傅陳蕃司徒胡廣共相輔佐至秋九月中涓曹節王甫
弄權竇武陳蕃預謀誅之機事不密反被曹節王甫所害
中涓自此得權建寧二年四月十五日帝會羣臣於溫德
殿中方欲陞座殿角狂風大作見一條青蛇從梁上飛下
來約二十餘丈蟠於椅上靈帝驚倒武士急慌救出文武
互相推擁倒於丹墀者無數頃更不見片時大雷大雨降



45-7792

以水雹到半夜方住東都城中壞却房屋數千餘間建寧
四年二月洛陽地震省垣皆倒海水泛溢登萊沂密登萊沂密
亂世景象自是如不足異也州盡被大浪捲掃居民入海遂改元熹平自此邊境時有
反者熹平五年改爲光和雖鷄化雉六月朔黑氣十餘丈
飛入溫德殿中秋七月有虹見於玉堂五原山岸五原郡名盡
皆崩裂種種不祥非止一端於是靈帝憂懼遂下詔召光
祿大夫楊賜等請金商門問以災異之由及消復之術賜
對曰

臣聞春秋讖曰天投蜺天下怨海內亂加四百之期亦
復垂及今妾媵閹尹之徒共專國朝欺罔日月又鴻都
門下招會羣小造作賦稅見寵於時更相薦說旬月之
間並皆拔擢樂松處常伯任芝居納言郤儉梁鵠各授
豐爵不次之寵而令縉紳之徒委伏猷晦口誦堯舜之
言身蹈絕俗之行棄捐溝壑不見逮及冠履倒易陵谷
代處幸賴皇天垂象譴告周書曰天子見怪則修德諸
侯見怪則修政卿大夫見怪則修職士庶人見怪則修
身唯陛下斥遠佞巧之臣速徵鶴鳴之士斷絕尺一抑
止槃遊冀上天還威衆變可弭
議郎蔡邕亦對其畧曰臣伏思諸異皆亡國之怪也天
於大漢慙慙不已故屢出妖變以當譴責欲令人君感

悟改危卽安。今蜺墮鷄化，皆婦人干政之所致也。前者乳母趙嬈，貴重天下，永樂門史霍玉，又爲奸邪，察其趙也。有家者可不慎乎。霍將爲國患。今張顥、偉璋、趙玳，益升並叨時幸，宜念小人在位之咎。伏見郭禧、橋玄、劉寵，皆忠實老成，宜爲謀主。夫宰相大臣，君之四體，不宜聽納小吏雕琢大臣也。且選舉請託，衆莫敢言，臣願陛下忍而絕之。左右近臣亦宜從化，人自抑損，以塞咎戒。則天道虧滿，鬼神福謙矣。夫君臣不密，上有漏言之戒，下有失身之禍。願寢臣表，無使盡忠之吏受怨姦仇。謹奏。

帝覽奏而嘆息，因起更衣。曹節在後竊視，悉宣告左右。事

遂泄漏，邕等被罪。中涓呂強憐其才，奏請免罪。後張讓、趙

忠、封、諸、段、珪、曹、節、侯、覽、蹇、碩、程、曠、夏、輝、郭、勝，這十人執掌朝綱，自此天下桃李皆出於十常侍門下。朝廷待十人如師父，由是出入宮闈，稍無忌憚。府第依宮院，蓋造不題，却說中平元年甲子歲，鉅鹿郡有一人，姓張名角，有兩兄弟，一個張梁，一個張寶，角初是箇不第秀才，因往山中採藥，遇一老人，碧眼童顏，手執藜杖，喚角至洞中，授書三卷，名太平要術咒符，以道爲念。代天宣化，普救世人。若萌異心，必獲惡報。角拜求姓名，老人曰：吾乃南華老仙，遂化陣清風不見了。角得此書，曉夜攻習，能呼風喚雨，號爲太平道。

人。中平元年正月內，疫毒流行，張角散施符水，稱大賢良

師，請符救病者無有不應。令患者親詣座前，自說已過角

與讖悔，以致福利。角有徒弟五百餘人，雲遊四方救病，次

後徒衆極多。角立三十六方，分布大小方者，乃將軍之稱

也。大方萬餘人，小方六七千。各立渠帥，訛言蒼天已死，黃

天當立歲。在甲子，天下大吉。令衆以白土寫甲子二字於

各家門上，及郡縣市鎮宮觀寺院門上，亦書甲子字。青幽

徐冀荆揚交豫，其八州之人家家侍奉大賢良師張角名

字。角遣大方馬元義暗賣金帛，結交十常侍，封諸徐奉，以

爲內應。角與弟梁寶商議云：至難得者民心也。今民心已

順，若不乘勢取天下，誠爲萬代之可惜。梁云：正合弟機一

面造下黃旗約會。三月初五日，一齊舉事，遣弟子唐州馳書

報封諸唐州，逕赴省中告變。帝召大將軍何進調兵，先擒

馬元義，斬之。次收封諸等一千人下獄。張角聞知事發，星

夜起兵。張角自稱天公將軍，弟寶稱地公將軍，弟梁稱人

公將軍，召百姓云：今漢運數將終，大聖人出汝等皆宜順

天從正，以樂太平。四方百姓裹黃巾從張角反者，四五十

萬。逢州遇縣，放火劫人，所在官吏望風逃竄。何進奏帝，火

速分投降，詔令各處備禦討賊立功。一面差中郎將盧植

皇甫嵩朱雋各引精兵分三路討之。且說張角一軍前犯

幽燕界分校尉鄒靖來見幽州太守太守姓劉名焉字均
郎江夏竟陵人也漢魯恭王之後劉焉問鄒靖云黃巾生
發侵及境界當如之何靖曰既漢天子有明詔令各處討
賊明公何不招軍以助國用焉然其說隨即出榜各處張
掛招募義兵量才擢用時榜文到涿縣張掛去涿縣樓桑
村引出一箇英雄那人不甚樂讀書喜犬馬愛音樂美衣
服少言語禮下於人喜怒不形於色好交遊天下豪傑素
有大志生得身長七尺五寸兩耳垂肩雙手過膝目能自
顧其耳面如冠玉唇若塗硃中山靖王劉勝之後漢景帝
閣下玄孫姓劉名備表字玄德昔劉勝之子劉貞漢武帝

元狩六年封為涿縣陸城亭侯坐酎金失侯因此這一枝
在涿縣玄德祖劉雄父劉弘因劉弘曾舉孝廉亦在州郡
為吏備早喪父事母至孝家寒販履織蓆為業舍東南角
上有一桑樹高五丈餘遙望見童童如小車蓋往來者皆
言此樹非凡相者李定云此家必出貴人玄德年幼時與
鄉中小兒戲於樹下曰我為天子當乘此羽葆車蓋叔父
責曰汝勿妄言滅吾門也年一十五歲母使行學與同年
劉德然遠西公孫瓚為友玄德叔父劉元起見玄德家貧
常資給之元起妻云各自一家何能常耳元起曰吾宗中
有此兒非常人也中平元年涿郡招軍時玄德年二十八

三國志
歲立於榜下長嘆一聲而回隨後一人厲聲而言曰大丈夫不與國家出力何故長嘆玄德回顧見其人身長八尺豹頭環眼燕頤虎鬚聲若巨雷勢如奔馬玄德見此人形貌異常遂與同入村中問其姓名其人曰某姓張名飛字翼德世居涿郡頗有庄田賣酒屠猪專好結交天下壯士却纔見公看榜何故長嘆玄德曰我本漢室宗親姓劉名備字玄德今聞黃巾賊起劫掠州縣有心待掃蕩中原匡扶社稷恨力不能耳飛曰正合吾機吾有庄客數人同舉大事若何玄德甚喜留飲酒間見一大漢推一輛小車到店門外歇下車子入來飲酒坐在桑木凳上喚酒保即釀

酒來我待趕入城去充軍怕遲了玄德看其人身長九尺五寸髯長一尺八寸面如重棗唇若抹硃丹鳳眼臥蠶眉相貌堂堂威風凜凜玄德就邀同坐問及姓名其人言曰吾姓關名羽字壽長其後改爲雲長河東解良人也因本處豪霸倚勢欺人關某殺之逃難江湖五六年矣今聞招募義士破黃巾賊欲往應募玄德遂以已志告之三人大喜同到張飛莊上共論天下之事關張年紀皆小如劉玄德遂欲拜爲兄飛曰我莊後一小桃園開花茂盛明日可宰白馬祭天殺烏牛祭地俺兄弟三人結生死之交如何三人大喜次日於桃園中列下金紙銀錢宰殺烏牛白馬

列於地上三人焚香再拜而說誓曰念劉備關羽張飛雖
發願先已不同然異姓結為兄弟同心協力救困扶危上報國家下安黎
庶不求同年同月同日生只願同年同月同日死皇天后
土以鑒此心背義忘恩天人共戮誓畢共拜玄德為兄關
羽次之張飛為弟祭罷天地同拜玄德老母將祭福物聚
鄉中英雄之人得三百有餘位得一醉就桃園中痛飲一醉來日收
拾軍器恨無匹馬可乘正思慮間人報有兩客人引十數
件當趕一羣馬投莊上來玄德曰此天祐我等當成大事
三人出莊迎接前頭兩箇客人乃中山大商一箇是張世
平一箇是蘇雙逝年往北販馬正值寇發歸鄉回來玄德

請二人到莊上置酒管待訴及欲與民除害扶助漢朝張
○二○客○大○通○世平蘇雙大喜愿將良馬五十匹送與玄德又贈金銀五
百兩鎖鐵一千斤以資器用玄德求良匠打造雙股劍關
某造八十二斤青龍偃月刀又名冷艷冷艷名甚雅張飛造丈八點
鋼矛各置全身鎧甲一齊完備共聚五百餘人來見鄒靖
鄒靖引見太守劉焉三人參拜已畢問其姓名說起宗派
劉焉亦通劉焉大喜云既是漢室宗親但有功勳必當重用因此認
玄德為姪整點軍馬人報黃巾賊大方程遠志人馬五萬
哨近涿郡劉焉令馬步校尉鄒靖着引劉玄德為先鋒前
去破敵玄德大喜與關某張飛飛身上馬來趕大功怎生

取勝

劉玄德斬寇立功

玄德部領五百餘眾飛奔前來直至大興山下與賊相見各將陣勢擺開玄德出馬左有關某右有張飛揚鞭大罵反國逆賊何不早降程遠志大怒遣副將鄧茂挺鎗直出張飛睜環眼挺丈八矛手起處刺中心窩鄧茂翻身落馬此處形容關張用勇也後人讚德云

欲教勇鎮三分國先試衝鋼丈八矛

程遠志見折了鄧茂折馬舞刀直取張飛關某躍馬舞刀此處人還有些眼力直出程遠志見了心膽皆碎措手不及被關某刀起處揮

為兩段後人讚雲長曰

唯憑立國安邦手先試青龍偃月刀此所云發利市也

眾賊見程遠志被斬倒戈卸甲投降者不知其數斬首數千級大獲功而回太守劉焉親自迎接賞勞三軍又流星馬飛報青州太守龔景有牒文告急言黃巾賊圍城將陷乞賜救援劉焉與玄德共議玄德曰愿往救之劉焉令鄒靖將兵五千隨玄德去救玄德關張上馬投青州來遙望見賊人皆披髮以黃絹抹額畫以八卦文為號賊眾見救軍分兵混戰玄德兵寡不勝退三十里下寨玄德與關張此處形容玄德用謀曰賊眾我寡必出奇兵然後取勝乃分關某引一千軍伏

山左張飛引一千軍伏山右鳴金爲號齊出爲應次日玄德引軍鼓譟而進賊衆大喊如潮湧到玄德便退賊舉乘勢追趕過山嶺玄德軍一齊鳴金左關其右張飛兩軍齊出玄德軍回三路掩殺賊衆大敗直趕至青州城下太守龔景亦率民兵出城助戰賊勢大潰勦戮極多餘黨敗走遂解青州之圍太守犒賞諸軍鄒靖欲回玄德曰近聽知中郎將盧植與賊首張角戰於廣宗備昔與公孫瓚師事盧植欲往就之玄德大是鄒靖亦是同力破賊鄒靖曰糧食可以應付軍馬不敢妄動因此玄德自引本部五百人投廣宗來鄒靖引軍自回玄德與關張來到盧植寨前屯住人馬報覆良久

久植喚三人入帳施禮罷植問玄德行藏玄德說了盧植大喜賞勞了畢着在帳前聽調時張角賊衆十五萬屯廣宗盧植兵五萬餘衆雖連勝幾陣未見次第植喚玄德曰我見今圍賊在此賊弟張梁張寶在潁川與皇甫嵩朱雋等廝殺汝可引本部軍馬更助汝一千官軍就去打聽消息約會勦捕玄德領了文書與關張星夜投潁川來其時皇甫嵩朱雋領官軍與賊大戰賊戰不利乃退入長社依草結營嵩四面圍定嵩與雋曰賊在此依草結營除非用火攻可勝雋曰候大風起可施此計目今令軍士每人束草一把亦是其夜大風驟起嵩先令精銳軍士暗地先出是夜

二更內外一齊縱火嵩雋各引兵操鼓出奔賊寨火焰張
 天賊衆驚慌馬不及鞍人不及甲四散奔走殺到天明張
 梁張寶引敗殘軍士奪路而走見一彪人馬盡行打紅旗
 當頭來到截住去路爲首閃出一箇好英雄身長七尺細
 眼長鬚膽量過人機謀出衆笑齊桓晉文無匡扶之才論
 趙高王莽少縱橫之策用兵彷彿孫吳曾內熟諳韜畧官
 拜騎都尉沛國譙郡人也姓曹名操字孟德乃漢相曹參
 之孫如此好人有好子孫何乃有所購或如購者
 二十四代孫操曾祖曹節字元偉仁慈寬厚有隣人失去
 一猪與節家猪相類登門認之節不與爭使驅之去後二
 日失去之猪自歸王人大慙送還節再拜伏罪節笑而納

之其人寬厚如此節生四子第四子名騰字季興桓帝朝
 爲中常侍後封費亭侯養子曹嵩原是夏侯氏子過房與
 曹騰爲子因此姓曹嵩爲人忠厚純雅官拜司隸校尉靈
 帝拜爲大司農遷大鴻臚嵩生操小字阿瞞一名吉利操
 年幼時好飛鷹走犬喜歌舞吹彈少機警有權數遊蕩無
 度叔父怪之言於曹嵩嵩鞭撻操忽心生一計一日見
 叔父來詐倒於地小賊便弄手脚矣喘口叔父慌問之操曰卒中風耳
 叔父歸告於嵩操潛地歸家嵩驚而問曰汝中風已瘥乎
 操曰自來無此疾病但失愛於叔父故見罔耳嵩乃信其
 言後叔父但言操過失嵩並不聽因此操得恣意放蕩不

務行業時人未之奇也惟、玄、何、顯、都、讓、許、部、頭、地一見指而言曰天下將

亂非命世之才不能濟也能安之者其在君乎南陽何顯

見操言漢室將亡安天下者必是此人也汝南許劭有高

名操往見之問曰我何如人也劭不荅又問劭曰子治世

之能臣亂世之奸雄也曹操也 曾舉孝廉 孝廉之名 無人不年二十舉孝廉為郎除洛陽北都

尉可肩也 今之春元諸公何必以此沽清也 呵呵初到任縣四門各設五色棒十餘條有犯禁者不避豪

貴皆棒責之靈帝所喜小黃門蹇碩的叔父提刀夜行操

巡夜拏住就棒責之由是內外莫敢犯者威名頗震寰宇

後為頓丘令因黃巾起拜為騎都尉引馬步軍五千前來

穎川助戰正值張梁張寶敗走曹操攔住大殺一陣斬首

萬餘級奪到旗幡金鼓馬匹極多梁寶死戰得脫操來見

皇甫嵩朱雋賞勞了畢便教曹操引兵追襲操欣然去了

却說玄德引兵來時賊已敗散玄德持書見皇甫嵩朱雋言

夜明急引兵來時賊已敗散玄德持書見皇甫嵩朱雋言

盧植事嵩曰張梁張寶勢窮力乏必投廣宗去依張角汝

可即便星夜往助勿得遲慢玄德拜辭了引兵復回於路

正迎一車約二百餘人護送一輛檻車視之乃盧植也玄

德大驚滾鞍下馬問其原故植曰我圍張角將次可勝被

角用妖術因此未能全勝今上差小黃門左豐前來體探

問我要賄賂我荅曰軍中缺錢安有奉承天使左豐挾恨

回奏上曰廣宗之賊極容易破盧植高壘不戰情慢軍心
以待天自誅戮因此怪怒遣中郎將董卓替了取我回京
師問罪去也張飛聽罷大怒要斬護送軍人以救盧植玄
德急止曰朝廷自有公論汝豈可躁暴關公亦當任軍士
簇擁盧植去了關公曰盧中郎已自罷了兵權別人領兵
我等去無所依不如且回涿郡玄德曰然遂引軍往北而
行行無二日忽聞山後喊聲大震殺氣連天玄德引關張
縱馬上高崗望之見漢軍大敗後面漫山寨野黃巾益地
而來旗幡大書天公將軍玄德曰此必是張角也可速戰
之三人飛馬引軍操鼓而出張角正殺敗董卓乘勢趕來

忽見山背後

一彪人馬飛出當先玄德左右有張

白身便輕之若有一爵位者殺之亦自甘心也俗人可笑
飛衝殺角軍大亂趕追五十餘里救了董卓回寨二人來

如此

見董卓卓問見居何職玄德對曰白身卓甚輕之不與賞
賜玄德出張飛大怒曰我等親赴血戰救了這厮到觀人
如無物吾不殺之快人快人難解怒氣提刀入帳來殺董卓試看董
卓性命如何且聽下回分解

總評

最可笑者是蒼天已死黃天當立之言也如此胡說
只好欺罔下愚真齊東野人之語也
桃園結義劈頭發願便說同心協力救困扶危上報

三國志
國家下安黎庶你看他三人豈尋常草澤之人而已乎三分事業實基于此

操聞亂世奸雄之評欣然而去則其人猶非其有城府者不如令人說着病痛多方掩飾反致仇恨也

操小時便搬弄叔父于股掌如弄嬰兒是人也豈有君父者乎

要殺護送人以救盧植要殺董卓以洩小憤絕無迴避一味直前真德真快人也真德真快人也

說着白身即救命之恩亦遂不報董卓真小人哉如此勢利小人不殺何待雖然今天下豈少董卓哉那

裡殺得許多也那裡殺得許多也

三國志演義其字於字耳字之字決不肯通要改又改不得許多無可奈何只得于首卷標出後不能再及矣

第二回

安喜縣張飛鞭督郵

董卓字仲穎隴西臨洮人也。卓數討羌胡累有邊功官拜河東太守鎮領中郎將自來驕傲於人以致張飛性發欲殺董卓。關公急抱任。玄德叱之曰。我等皆白身之人他是朝廷命官。掌握許多人馬。汝今殺之。將欲反耶。飛曰。若在卓部下聽令。吾必去矣。玄德曰。吾三人生死共處。安可棄也。不若離了董卓。別投他處。飛曰。若如此。方解我恨。是夜三人引軍來投朱雋。雋待之甚厚。合兵一處進討張寶。是時曹操自跟皇甫嵩進討張梁。大戰於曲陽。且說朱雋進

攻張寶。張寶尚引黃巾賊衆八九萬屯於山後。雋令玄德爲先鋒，與寶對敵。二人立馬陣前，張寶令副將高昇出馬，揮大刀搦戰。張飛縱馬挺矛，與昇交戰，戰不數合，飛刺高昇墜馬。玄德引軍直撞過去，張寶就馬上披髮仗劍作法，風雷大作，黑氣中無限人馬自天而降。玄德急回軍大亂，被張寶殺敗，退見朱雋。雋曰：「此妖術也。來日可宰豬羊血，令軍士伏於山頭，候賊趕來，高坡上潑之，其法可解。」玄德聽令已畢，撥關羽、張飛各引軍一千伏於山後兩山之上。差軍五百，盛豬羊血，并穢物，准備。次日張寶搖旗擂鼓，引軍搦戰。玄德披掛上馬，引軍出戰。兩軍交鋒之際，張寶作法，

法平地風雷大作，飛砂走石，一道黑氣自軍中起。滾滾人馬自天而下。玄德撥馬便走，張寶人馬趕來，將過山頭，一聲砲響，五百軍穢物齊潑，但見空中紙人草馬紛紛墜地，風雷頓息，砂石不飛。張寶見解了法，急引兵退山後。左邊關羽一彪軍馬出，右邊張飛一彪軍馬出，背後玄德、朱雋一齊趕上，賊兵大敗。張寶於軍中奪路而走，玄德望見地，公將軍旗號飛馬趕來，張寶落荒而走，被玄德拽滿弓，只一箭射中左臂，張寶帶箭得脫，走入陽城堅守不出。這一陣殺賊三萬餘衆，降者不知其數。朱雋引軍圍住陽城，月餘不下。差人體探皇甫嵩消息，人回報說：「皇甫嵩大獲勝。」

捷董卓連敗數陣。差皇甫代之。高到時。張角已死。弟張梁用王者衣冠。葬之。皇甫嵩連贏七陣。斬張梁於曲陽之下。差人掘張角棺槨。梟首送在京師。降者十五萬。殺戮者不計其數。朝廷加皇甫嵩車騎將軍。領冀州牧。一時人皆得官。爵武騎校尉。曹操除濟南相。已皆赴任去訖。朱雋聽說。催促軍馬。攻打陽城。賊勢危急。從賊嚴政刺殺張寶。獻首投降。朱雋遂平數郡。差人進表奏功。朝廷正商議陞用。飛報秦黃巾餘黨。南陽趙弘。韓忠。孫仲。聚眾十餘萬。望風燒掠。稱與張角報讐。大臣上表。即日朱雋見屯兵六萬餘眾。可就令討之。即日降詔。朱雋領了詔旨。大小三軍起行。比及前至宛城。趙弘遣韓忠前來迎戰。各陳兵於野。朱雋遣玄德開張攻城西南角。鳴鼓大戰。韓忠盡率精銳之眾來西南角。玄德鏖戰。從辰至午。賊眾不退。朱雋自縱鐵騎二千。逕取東北角。翻身殺賊。賊恐失城。急棄西南而回。玄德從背後掩殺賊眾。大敗奔入宛城。朱雋分兵四面圍定城中。斷糧。韓忠使人出城投降。玄德引見說。忠投拜。雋不許。玄德曰。昔高祖之得天下。蓋爲能招降納順。公何不用雋笑曰。玄德諫者差矣。天時有不同也。昔秦項之際。天下大亂。民無定主。故招降賞附。以勸來耳。今海內一統。惟黃巾造逆。若容其降。無以勸善。使賊得利。恣意劫掠。賊若失利。

便使投降。此長寇之志。非良策也。玄德稱善。告雋曰。不
寇降是矣。今四面圍如鐵桶。賊乞降不得。必然死戰矣。萬
人一心。尚不可當。况城中有數萬死命之人乎。不若撤去
東南。留西北。盡力攻打。賊必棄城而走。無心戀戰。可即擒
也。雋曰。高見隨撤去。東南二面軍馬一齊攻打西北。韓忠
果引軍棄城奔走。雋率三軍掩殺。雋親自射殺韓忠。餘皆
四散奔走。趙弘孫仲引賊眾到來。與朱雋交戰。雋見弘勢
大。引軍暫退。弘乘勢復奪宛城。雋離十里下寨。正欲攻打。
見正東一彪人馬到來。那人生得廣額潤面。虎體熊腰。吳
郡富春人也。姓孫名堅。字文臺。乃孫武子之後。年十七歲。
時爲縣吏。與父共搬至錢塘。正見海賊胡玉等十餘人劫
取商人財物。方於岸上分贓。行旅皆任。不敢進船。堅謂父
曰。此人可擒之。父曰。非汝所圖也。堅奮力提刀上岸。揚聲
大叫。東西指揮。如喚人意。賊以爲官兵至。盡棄財物奔走。
堅趕上殺一賊。由是郡縣知名。保爲校尉。後會稽妖賊許
昌造反。自稱陽明皇帝。聚眾數萬。堅與郡司馬招募勇士
千餘人。會合州郡破之。斬許昌并其子。許韶刺史臧旻上
表奏孫堅功績。除堅爲鹽漬丞。又除盱眙丞。下邳丞。見黃
巾寇起。聚集鄉中少年及諸商旅。并淮泗精兵一千五百
餘人。前來接應。朱雋大喜。便令堅攻打南門。玄德打北門。

朱雋打西門留東門與賊走是日孫堅首先登城斬賊二

十餘級賊眾奔潰趙弘飛馬突棚直取堅堅從城上飛身

取弘手奪弘棚直刺下馬却騎弘馬飛身往來殺賊孫仲

引賊突出北門正迎玄德無心戀戰只待奔逃玄德張弓

一箭正中孫仲翻身落馬朱雋大軍隨後掩殺斬首數萬

級降者不可勝計南陽一路十數郡皆平雋班師回京拜

車騎將軍河南尹雋保孫堅劉備等功堅有人情除別郡

司馬辭玄德而去惟玄德聽候日久不得除授三人鬱鬱

不樂上街閑行正值郎中張鈞車到玄德攔住說功蹟鈞

大驚隨入朝來見帝曰昔黃巾造反其原皆由十常侍賣

官害民非親不用非讐不誅以致天下大亂宜斬十常侍

懸頭南郊遣使者布告天下有功重加賞賜則四海自清

平也十常侍曰張鈞欺王也可令武士推出朝門張鈞氣

倒帝與十常侍共議此必是破黃巾有功者不得除授故

生怨言權且教省家銓汪微各待後有功却再理會未晚

因此玄德除授定州中山府安喜縣尉克日赴任玄德將

軍四散回鄉里隨行二十餘人與關張來安喜縣中到任

署縣事一月與民秋毫無犯其盜者皆化為良民到任之

後與關張食則同卓寢則同床如玄德在稠人廣坐關張

侍立終日不倦到縣未及四月州郡被詔其有軍功為長

吏者當沙汰備疑在遣中督郵至縣玄德出郭迎接見督

郵到慌忙下馬施禮督郵坐在馬上惟微以鞭指回答閑

張氣填胸臆敢怒而不敢言隨到館驛中督郵好大督郵正面高坐

玄德立於階下將及兩箇時辰督郵問曰劉縣尉是何根

脚玄德曰備是中山靖王之後如此作威亦復知有老張否自涿郡勦戮黃巾大小三

十餘戰把功勞畧節提過督郵大喝亂道你這廝詐稱皇

親虛報功蹟目今朝廷降詔書正要問這等人沙汰濫官

汚吏耳真話說盡玄德喏喏連聲而退歸到縣中與縣吏商議吏曰

督郵作威無非要賄賂耳玄德曰我與民秋毫無犯那得

財物與他次日督郵先提縣吏去勒要文書教指縣尉害

民玄德自往見之被當住在門外不肯放參玄德再三求

見終不得入回到縣衙心中怏怏却說張飛飲了數盃悶

酒上馬從館驛前過見五六十箇老人皆在門前痛哭飛

問其故衆老人答曰督郵逼勒縣吏欲害劉玄德我等皆

來苦告不得放入反遭把門人趕打張飛大怒睜圓環眼

咬碎鋼牙滾鞍下馬徑入館驛把門人見了皆遠躲避直

奔後堂見督郵坐於廳上將縣吏綁倒在地飛大喝害民

賊認得我麼督郵急起喚左右捉下被張飛用手揪住頭

髮直扯出館驛逕揪到縣前楊柳上縛住飛攀下柳條去

督郵兩腿上鞭打到二百打折柳枝十數條玄德正納悶

間聽得縣前鼎沸慌問左右答曰張將軍綁一人在縣前
 痛打玄德慌去觀之見飛大罵不止綁縛者督郵也玄德
 驚問其故飛曰此等害民賊不打死等甚督郵告曰玄德
 公救性命玄德終是仁慈的人急喝張飛住手傍邊轉過
 關公來曰見長建下許多大功只得縣尉之職被督郵如
 此無禮吾思枳棘叢中非棲鸞鳳之所不如殺督郵棄官
 歸鄉別圖遠大之計玄德取印綬掛於督郵之頸責之曰
 據汝賊徒害民當以殺之吾有所不忍還官印綬吾已去
 矣玄德閉張連夜回涿郡縣民解放督郵督郵歸告定州
 太守太守動文書申聞省府差人捕捉玄德閉張二人事

急車載老小往代州投劉恢恢見玄德乃漢室宗親隱匿

養贍在家不題却說十常侍既握重權互相商議但有不

從此是何等世界可恨可嘆已者乃誅之趙忠張讓差人問破黃巾將士索金帛不

從者奏罷職皇甫嵩朱雋皆不肯與趙忠等奏帝皇甫嵩

朱雋皆是捏合功勞並無實跡帝准奏罷皇甫嵩朱雋官

封趙忠等為車騎將軍張讓等十二人皆封列侯司空張

溫為太尉崔烈為司徒此皆是結好十常侍故得為三公

因此漁陽張舉張純反舉稱天子純稱大將軍長沙賊區

星各處蜂起表章雪片告急十常侍皆藏匿只奏天下無

事一日帝在後園與十常侍飲宴諫議大夫劉陶逕到帝

前大慟帝問其故陶曰漢天下危在旦夕陛下尚自與
官共語耶帝曰國家承平之日有何危急陶曰四方盜賊
並起侵掠州郡其禍皆由十常侍賣官害民欺君罔上朝
廷正人皆去禍在目前矣十常侍皆免冠流涕跪於帝前
曰大臣不容臣等不能活矣願乞性命歸田里盡將家產
以助軍資帝曰汝家亦有近侍之人何不容寡人耶呼武
士推出劉陶斬之劉陶大呼臣死不怕可憐漢朝天下四
百餘年到此一旦休矣推至宮門一大臣喝住勿得下手
待吾諫去此人是誰

何進謀殺十常侍

宮門外攔住的乃是司徒陳耽逕入宮中來諫天子曰劉
諫議得何罪而賜誅戮帝曰毀謗大臣冒瀆朕躬耽曰天
下人民欲食十常侍之肉陛下敬如父母豈有此理且十
常侍身無寸功皆封列侯况封諸等結連黃巾欲為內亂
陛下今不自省漢社稷立見崩摧矣帝曰封謂作亂其事
不明十常侍中豈無一二忠臣陳耽以頭撞階而諫帝怒
命牽出與劉陶皆下獄中是夜俱謀殺之趙忠差人以孫
堅為長沙太守討區星不五十日報捷江夏平復奏封堅
為烏程侯封劉焉為益州牧就討四川寇賊封劉虞為幽
州牧領兵漁陽征張舉張純劉焉到川狂寇皆降焉開倉

賑濟百姓感恩劉虞興兵討張舉代州劉恢書薦玄德見
 虞虞大喜令玄德為都尉丘毅為先鋒直抵賊巢與賊大
 戰數日控動銳氣張純專一凶暴鞭撻士卒因此帳下數
 人商議一齊心變刺殺張純將頭納獻引眾來降張舉見
 勢敗亦自縊死漁陽盡平劉虞表來奏劉備大功朝廷赦
 免鞭督郵之罪除下密丞遷高堂尉公孫瓚表陳玄德前
 功封為別部司馬守平原縣令玄德在平原頗有錢糧軍
 馬重整舊日氣象劉虞平寇有功官封太尉中平六年夏
 四月靈帝病篤召大將軍何進入宮商議後事弟何苗官
 帶執金吾何進起身屠家因妹入宮為貴人光和三年為

上生太子辨故立為皇后進為國舅得權重任王美人生

太子協何后醜殺王美人協得董后恩養太子辨時年九

歲靈帝偏愛太子協欲立之十常侍知天子意黃門蹇碩

乃暗奏曰若欲立協必先誅何進以絕後患帝從之宣進

託以後事進到宮門司馬潘隱與進曰不可入宮蹇碩欲

謀殺汝進大驚急歸私宅召諸大臣欲盡誅宦官坐上一

人挺身出曰宦官之勢起自冲質之時朝廷滋蔓極廣安

能盡誅倘機不密必有絕族之禍請仔細詳之進視之乃

典軍校尉曹操進叱之曰汝小輩安知朝廷之大事正躊

躇間潘隱至報帝崩於嘉德殿時年三十四歲目今蹇碩

與十常侍商議密不發喪。矯詔宣何進入宮，欲絕後患。冊立太子協為帝，說未了，使命至，宣進速入，以定後事。操曰：今日之計，先宜大正君位，然後圖賊。進曰：誰敢與吾正君討賊言未畢，一人挺身便出，曰：願借精兵五千，斬關入內，冊立新君，盡誅閹豎，掃清朝廷，以安天下。吾之願也。進視之，此人身長偉貌，行步有威，英雄蓋世，武勇超羣，能折節下士，士多歸之。四世居三公位，門多故吏。汝南汝陽人也。漢司徒袁安之孫，袁逢之子，名紹，字本初。見為司隸校尉，何進大喜，遂點御林軍五千，紹披掛領入內，何進引何顯荀攸、鄭泰等大臣三十餘員相繼而入，就靈帝柩前扶立

太子辨，即皇帝位。百官呼譟已畢，袁紹入宮，收蹇碩、碩親領兵從宮中來，禦紹，紹直砍蹇碩，碩慌走，紹趕入御園花陰下，轉過中常侍郭勝，一刀把蹇碩砍翻，割頭而去。碩所領禁軍盡皆降順。紹與何進曰：中官結黨，可盡誅之。張讓等知事急慌，入告何后曰：始初設謀，陷害大將軍者，皆是蹇碩一人，並不干臣等事。今大將軍信紹之言，盡欲誅臣等。乞娘娘憐憫，言罷痛哭。何太后曰：卿等勿憂，我當保之。傳旨宣何進入，太后密謂曰：我與汝出身寒微，非張讓等，焉能享此富貴。今蹇碩不仁，既以伏誅，汝何聽他人之言，欲盡誅宦官，枉惹萬代之笑。此事切不可行。何進聽太

后之言。而出與眾官曰。蹇碩設謀害吾。可族滅其家。其餘者勿得妄加殘害。袁紹曰。今日若不斬草除根。終久必為。張身之本。進叱之曰。吾意已決。汝等多言者。斬。眾官皆退。

次日太后命何進參錄尚書事。其餘皆封官職。董太后宣

張讓等入宮商議。后曰。何進之妹。始初我擡舉他來。今日

他孩兒。即了帝位。內外臣僚。皆是他心腹人。威權太重。我

府如何讓奏曰。娘娘可臨朝垂簾聽政。封太子協為王。加

國舅董重大官。掌握軍權。重用臣等。各預軍國人事。漸可

制何進矣。董太后大喜。次日設朝。董太后垂簾聽政。封太

子協為陳留王。董重驃騎將軍。張讓等共預朝政。將及月

餘。董太后奪權柄。朝廷事。並聽區處。何太后見董太后專

政於宮中。設一宴。請董太后赴席。酒至半酣。何太后起身

捧盃再拜而勸董太后曰。我等皆婦人也。參預朝政。非其

所宜。昔呂后因握重權。宗族千口。皆被戮。今我等宜深居

九重。朝廷大事。任大老元臣自行商議。此國家之幸也。原

垂聽焉。董后大怒曰。汝醜死王美人。荒淫如色。今汝子為

君。倚兄何進之勢。輒敢亂言。吾勅驃騎斷汝兄首。如反掌

耳。何后亦怒曰。吾以好言勸汝。何出此言。不遜耶。董后曰。汝

家屠沽小輩。有何見識。兩宮互相罵詈。張讓等各勸歸宮。

何后連夜召進入宮。盡告其事。進出召三公共議。來早設

朝廷臣奏李仁董太后交通州郡辜較財利不宜臨朝聽此雖似董后取禍然自暢快可取何進真奴才也政合遷於河間安置限日下出國門一面驅人起發董后

一面點三千禁軍圍繞驃騎將軍董重府宅追索印綬董重知事已危急自刎於後堂家人舉哀軍士方散張讓段珪見董后一枝已廢遂皆以金珠玩好結媾向進弟何苗并其母舞陽君令早晚入何太后處言言遮蔽因此十常侍又得近幸六月何進暗使人醜殺董后於河間驛庭舉柩回京葬於文陵進托病不出司隸校尉袁紹入見進曰張讓段珪等流言於外言王公鳩殺董后欲謀大事乘此時不誅閹宦後必為大禍昔竇武欲誅內寵機謀不密反

受其殃今王公兄弟部曲將吏皆英俊名士若盡力命事在掌握此天贊之時不可失也進曰且容商議左右密報

張讓讓等去告報何苗又送賄賂太多苗入內來奏何后

云大將軍輔佐新君不行仁慈以安天下專務殺伐以危

社稷今國無事又欲害十常侍此取亂之道也后納其言

少頃何進入白后欲誅中涓何后曰中官統領禁省漢家

故事也先帝新棄天下爾欲誅殺舊臣非重宗廟也進雖

外慕大名內無決斷不言而出袁紹迎進而問曰大事若

何進曰太后不允如之柰何紹曰可召四方英雄之士勸

兵來京盡誅閹豎此時事極不容太后不從進曰此計大

禍起于此

妙。免得我違太后之意。便差人召赴京師。王簿陳琳進前
 叫曰。不可進。曰。有何不可。琳曰。俗說自掩其目。去捕燕雀
 是自欺也。微物尚不可欺。以得志。况國家大事。其可詐立
 乎。今將軍總皇威。掌兵要。龍驤虎步。高下在心。若欲誅宦
 官。如鼓洪爐燎毛髮耳。但當速發雷霆。行權立斷。則天人
 順之。却反外檄大臣。臨犯京闕。英雄聚會。各懷一心。所謂
 倒持干戈。授人以柄。功必不成。生大亂矣。何進笑曰。此懦
 夫之見也。傍邊一人鼓掌大笑曰。此事易如反掌。何必多
 議論也。視之乃曹操也。進曰。有何高見。不知曹操甚話來。
 且聽下回分解。

總評

只打督郵一節。翼德便不可及。然雲長之言。立德之
 事。都是英雄本色。三人真堪兄弟也。今之上司。粧威
 做勢。索取下司者。亦往往有之。安得翼德柳條着實
 打他二百也。呵。呵。
 畢竟袁本初。曹孟德。輩是英雄。若何進者。犬豕耳。何
 足與議大事哉。

第三回

董卓議立陳留王

操曰。宦者之禍。古今皆有。但世主不當假之權。寵近侍。浸潤成疾。使至於此。若欲治罪者。當除元惡。但付一獄吏足矣。何必紛紛召外兵乎。欲盡誅之事。必宣露。吾料其必敗也。何進怒曰。孟德亦懷私意耶。操退而言曰。亂天下者必進也。進乃降詔。暗差使命。星夜前去。詔曰。

朕聞敗紀亂常。不曰無誅。害國傷時。豈能彌久。切惟常侍張讓。段珪等。濫叨寵榮。恣生強逆。不思報本之恩。復造滔天之禍。意喜有一門榮貴。心怒者九族誅夷。令諸

侯於畿甸之外，挾天子於宮闈之中，上下切齒，咸思殄

滅朕素知卿等心懷忠義，討戮奸邪，速提雄虎之師，尅

定蕭牆之禍，詔書到日，火速奉行，宜體朕懷，遐邇知悉。

先發四道詔書，急詔四路軍馬第一路東郡太守橋瑁第

二路河內太守王匡第三路武猛都尉并州刺史丁原第

四路身長八尺，腰大十圍，肌肥肉重，面潤口方，手綽飛燕

走及奔馬，見任前將軍，熬鄉侯，領西涼刺史，隴西臨洮人

也，姓董，名卓，字仲穎，先為破黃巾無功，欲議治罪，卓賄賂

十常侍，因此幸免，後以金珠結托朝貴，遂任顯官，時手下

統西州大軍二十萬，常有不仁之心，是時得詔大喜，點起

軍馬陸續便行，卓女婿中郎將牛輔守任陝西，卓帶李傕

郭汜，張濟，樊稠，前後調練提兵，望洛陽來，卓女婿中郎謀

士李儒上言曰：今雖奉詔，中間多有暗昧，何不差人上通

表章，名正言順，大事可圖矣。董卓大喜，令儒作表曰：

臣伏惟天下所以有逆不止者，皆由黃門常侍張讓等

侮慢天常，操擅王命，父子兄弟並據州郡，一書出門，便

獲千金，京畿諸郡數百萬膏腴美田，皆屬讓等，至使怨

氣上蒸，妖賊蜂起，臣前奉詔討於扶羅，將士饑乏，不肯

渡河，皆言欲請京師先誅闞豎，以除民害，從臺閣乞求

資直，臣隨撫慰，以至新安，臣聞揚湯止沸，不如滅火，去

薪潰雖痛勝於養毒成愆及溺呼船悔之無及昔趙

鞅與晉陽之兵以逐君側之惡臣輒鳴鐘鼓入洛陽請

除讓等則社稷幸甚天下幸甚

何進得表出示大臣侍御史鄭泰諫曰董卓乃豺虎也若

引入京城必食人矣進曰汝心多之人不足與謀大事盧

植亦諫植素知董卓為人面善心狠常有不仁之心一惹

入禁庭必生禍亂於國無益於民有傷不如早遣人令回

庶免篡奪之患進叱之曰汝等皆無志之士枉食君祿鄭

泰盧植皆棄官而去泰問曰此去如何植曰此公不可輔

也禍在即日矣荀攸亦告閑居朝廷大臣去其大半進使

人出迎卓於澠池

澠池縣名

卓按兵不動張讓等知詔各路兵

到十常侍商議讓曰此乃何進之謀也我等若不先下手

時皆滅族矣張讓等先伏刀斧手五十人長樂宮嘉德門

內讓等告何太后曰今大將軍矯詔召諸路軍馬並至京

師欲滅臣等宗族望娘娘垂憐皆叩頭伏地曰臣等歸田

養老免死萬幸太后曰汝等可詣大將軍府下謝罪讓曰

若到相府骨肉皆為齏粉矣望娘娘賜手詔宣大將軍入

宮解釋其事如其不從臣等只就娘娘前死無恨矣太后

乃降手詔宣進入宮議事進得詔便行主簿陳琳諫曰太

后此詔必是十常侍之謀切不可去去必有禍進曰太后

一陳琳袁紹曹操俱有定見。何進。幽。毒。不。用。宜。其。敗。也。
詔我有何禍事乎。袁紹曰。交持已成。形勢已露。將軍尚欲
入宮議事。何不早決事。久必變矣。進曰。已在吾掌握之中。
待如何變。曹操曰。先當召十常侍出。然後方可入。進笑曰。
此小兒之見也。吾掌天下之權。十常侍敢待如何。紹曰。主
公堅執要去。我等宜披堅執銳。引甲士以護之。孟德亦當
輔佐以防不測。是日袁紹曹操各帶寶劍選精兵五百。喚
弟領之。袁紹之弟同父異母。姓袁名術。字公路。舉孝廉。進
身見授折衝校尉。虎賁中郎將。當日袁術全副披掛。引精
兵五百。布列青瑣門外。紹與操百餘人護送何進車。至長
樂宮前。黃門傳懿旨云。太后在禁宮深處。要與將軍議論

國家大事。持兵護送者不可輒入。因此袁紹曹操一行人
何進對是奴才不足暗也。然亦重后之敬。此天道好還。
都當在禁宮外。何進似傍若無人。昂昂直入。至嘉德殿門
之一証也。
張讓段珪迎出。左右圍住。讓厲聲責進曰。董后何罪。妄加
醜死國母。喪葬托疾不出。汝本屠沽小輩。我等薦之天下。
以致榮貴。不思報効。欲相謀害。言我等甚濁。其清者是誰。
進乃默然無言。欲尋出路。宮門盡閉。讓呼曰。何不下手。擁
出羣刀斧。揪住何進於宮門側畔。砍為兩段。後來史官有
四句言語嘆何進曰。

漢室傾危天數終無謀。何進作三公。幾番不聽忠臣諫。
此實錄也。可稱詩史。
難免宮中受劍鋒。

論曰竇武何進藉元舅之資據輔政之權內倚太后臨朝之威外迎羣英乘風之勢卒而事敗閹豎身死功頽爲世所悲豈智不足權有餘乎傳曰天之廢商久矣君將興之斯宋襄公所以敗於泓也

贊曰武生蛇祥進自屠羊惟女惟弟來儀紫房上昏下嬖人靈動怨將糾邪慝以合人願道之屈矣代離凶困讓等既誅何進請太尉樊陵入代進職位袁紹久不見進出乃於宮門外大叫曰請將軍上車中黃門於牆上擲出何進頭宣諭曰何進謀反已伏誅矣其餘協從盡皆赦下袁紹厲聲大叫閹官謀殺大臣豈有此理有失大義誅惡

黨者前來助戰何進部將吳匡於青瑣門外放火袁術引兵突入宮庭但看閹官快事不論大小盡皆殺之袁術曹操斬關入內樊陵許相出殿大呼不得無禮袁術立斬二人餘皆奔走趙忠程曠夏惲郭勝四箇趕在翠花樓上放火都跳下樓就在樓前剝爲肉泥宮中火焰冲天張讓段珪曹節侯覽將太后及太子并陳留王劫出內省官屬從後道走北宮尚書盧植棄官未去見宮中事變擐甲持戈立于閣下盧植可用廳前遙見段珪擁逼何后過來植大呼曰段珪逆賊尚不知死敢劫太后耶段珪回身便走太后從廳中跳出植急救之得免吳匡殺入內庭見何苗亦提劍出吳匡大

呼曰是車騎何苗同謀殺兄願報讐者向前數十人大呼曰願斬謀兄之賊苗欲走四面圍定成爲粉碎紹閉上宮門號令軍士但見闔官無問大小盡皆殺之宮中殺盡分頭來殺十常侍家屬不分大小盡皆誅絕流血滿地何止

二二萬多有無鬚者誤被殺戮曹操一面救滅宮中之火

張讓段珪擁逼少帝及陳留王冒烟突火殺出後宰門離

城望北却山逃難袁紹請何太后權攝大事四下分兵追

襲尋覓少帝張讓段珪從者二十餘人連夜奔走北却山

天色昏黑各不相見隨從之人各自逃回約二更時分後

一面喊聲大舉人馬趕至當先河內中部掾史閔貢大叫張

讓休走段珪等乘馬落荒而逃張讓見事急叩頭辭帝曰

臣無路矣陛下自顧遂投河而死帝與陳留王亦未知虛

實不敢高聲二王伏於河邊亂草之內此時中平六年八

月二十四日城中誅殺宦官二帝夜臥荒草軍馬四散去

趕不知帝之所在二帝伏至四更露水又下腹中饑餒相

抱而哭又怕人知吞聲草莽之中淚如雨墜陳留王曰在

此不宜久戀去尋活路帝曰路暗難行如之奈何陳留王

與帝以衣相結爬上岸邊滿地荆棘不見行路仰天嘆曰

劉辨休矣但有流螢千百成羣光芒照耀只在帝前陳留

王曰此天助吾兄弟也隨螢火而行漸漸見路二帝相扶

此時螢火虫亦功臣也

一步一跌奔出山路而走史官有詩曰

亂兵如蟻走王師社稷傾危孰爲持夜逐火螢尋道路

漢家天子步歸時

腐草爲螢上岸時也曾照夜向書幃莫言微物相輕賤

曾與君王引路迷

二帝行至五更足痛不能行山崗邊見一草堆二帝臥於草堆畔草堆前面是一所庄院庄主是夜夢兩紅日墜於庄後庄主驚覺披衣出戶四下觀望見庄後草堆上火起冲天庄主慌忙往觀見二帝臥於草畔庄主問曰二少年誰家之子帝不敢應陳留王曰吾兄乃是大漢皇帝遭十

常侍之亂夜來逃難得螢火引路改到此庄庄主大驚再拜於地曰臣先朝歷仕宦司徒崔烈之弟崔毅也因見十常侍賣官嫉賢臣於此躬耕壟畝遂扶帝入庄跪進酒食帝與陳留王隱於崔毅庄中却說國貢趕上段珪拏住問天子何在珪言已在半路棄之不知何處貢遂殺段珪懸頭於馬項下來尋天子到崔毅庄覓飯毅見首級問之貢說詳細崔毅引貢見帝君臣痛哭貢曰國不可一日無君請陛下還都崔毅庄上有匹瘦馬備與帝乘貢與陳留王共乘一馬離庄院行不到三里司徒王允太尉楊彪左軍校尉淳于瓊右軍校尉趙萌後軍校尉鮑信中軍校尉袁

紹一行人衆數百人馬接着車駕為君臣皆哭先使人將段
 珪頭在京是帥號令着另換好馬與帝及陳留王騎簇帝還
 京先是洛陽小兒謠曰侯非侯王非王千乘萬騎走北邙
 車駕行不到數里忽見旌旗蔽日塵土遮天一枝人馬到
 來百官失色帝大驚袁紹驟馬出問何人敢攔聖駕繡旗
 影裏董卓出馬厲聲便問天子何在帝戰慄不能言羣臣
 罔知所措陳留王勒馬向前叱之曰來者何人卓曰西涼
 州刺史董卓是也陳留王曰汝來保駕耶汝來劫駕耶卓
 應曰特來保駕陳留王曰既來保駕天子在此何不下馬
 卓大驚慌忙下馬拜於道左亦留王以言撫慰董卓曰初

至終並無遺失卓暗奇之是日護送還宮見何太后俱各
 下淚痛哭失傳國璽董卓屯兵城外每日帶鐵甲馬軍數
 千入城橫行街市百姓惶惶不安兩路軍知何進已死各
 引軍兵回本處去訖董卓得志出入宮庭畧無忌憚後軍
 校尉鮑信來見袁紹言董卓縱橫朝廷必有異心紹曰朝
 廷新定未可輕動刀兵鮑信見王允亦言其事允不從信
 引本部軍兵自投泰山去了董卓招誘何苗部下之兵盡
 歸掌握卓召李儒曰吾欲廢帝立陳留王如何李儒曰今
 朝廷無主不就此時行事遲則有變矣來日於溫明園中
 聚會百官若有不從者立斬之則指鹿之謀宜在今日卓

喜便教大排筵會於溫明園中。來日請百官飲酒。次日飛
騎往來於城中。遍請公卿皆懼。董卓誰敢不到。卓探知百
官到了。徐徐策馬到轅門下。馬帶劍入席。百官見了。先令
從人執盞酒行數巡。卓自舉盃勸諸大臣飲酒。畢卓教停
酒。止樂。卓曰：今有大事。眾官聽察。眾皆側耳。卓曰：天子為
萬民之主。以治天下。無威儀。不可以奉宗廟。社稷。况先君
有密詔言劉辨。輕浮無智。不可為君。次子劉協。聰明好學。
可承大漢宗廟。吾欲廢帝。仍舊為弘農王。策立陳留王為
天子。以正漢室。爾諸大臣以為如何。諸官聽罷。默默無言。
各各低頭覷地。座上一人推卓几。直出立於筵上。大叫不

可。不可。汝乃何等之人。敢發此語。欺俺漢朝。無人物耶。天
子乃漢靈帝嫡子。又無過惡。安可廢耶。吾知汝懷篡逆之
心久矣。吾豈能容耶。眾人大驚。畢竟是誰。且聽下回分解。

呂布刺殺丁建陽

董卓視之。此人官拜荊州刺史。姓丁名原。字建陽。因何進
降詔。遂引兵至洛陽。當日倚恃兵權。敢出抗拒。董卓大怒。
叱之曰：朝廷大臣尚不敢言。汝何等之人。輒敢多言耶。遂
掣佩劍在手。欲斬之時。李儒見丁原背後一人。身長一丈。
腰大十圍。弓馬閑熟。眉目清秀。五原郡九原人也。九原地名姓
呂名布。字奉先。官拜執金吾。自幼隨從丁原。拜為義父。當

日布執方天畫戟立於丁原之後李儒會意急進曰今日

李儒大通

飲宴之處不可以談國政來日向都堂公論未遲眾人皆

勸丁原上馬呂布手執畫戟目視董卓而出眾皆奉送丁

原上馬而去董卓與百官曰吾所見者合公道否盧植立

於筵上曰明公所見差矣昔商之太甲不明伊尹放之於

桐宮昌邑王登位方立二十七日造罪三千餘條霍光告

太廟而廢之今上皇帝年紀雖幼聰明仁智並無分毫過

失汝乃外郡刺史素不曾參預國政又無伊尹霍光之大

才何敢強主廢立之事聖人有云有伊尹之志則可無伊

尹之志則篡也汝莫不欲篡漢天下耶董卓大怒拔劍向

前欲殺植侍中蔡邕議郎彭伯諫曰盧尚書海內大儒人

之望也今先害之天下震怖卓乃止但免柏官遂逃難而

隱上谷司徒王允出曰廢立之事不可酒後商議別日再

聽約束於是百官皆散董卓按劍立於園門意欲傷害百

官忽一人躍馬持戟於園門外往來卓問李儒此何人也

儒曰此丁原義兒呂布勇不可當也卓乃潛入園迴避百

官因此得脫回家次日人報董卓丁原引軍城外搦戰卓

怒引軍馬出兩陣對圓卓見對陣呂布出馬頂束髮金冠

披百花戰袍撥唐猊鎧甲繫獅蠻寶帶騎一匹衝陣劣馬

持方天畫戟往來馳驟貌若天神卓心中驚駭丁建陽於

陣中縱馬直出亦指卓而罵曰漢天下不幸闖官弄權以致萬民受於塗炭爾乃涼州刺史相國無寸箭之功焉敢亂言廢立侮慢朝廷將欲反耶董卓無言可答呂布飛馬挺戟殺過來董卓先去了建陽率軍馬一掩卓兵大敗走三十餘里卓收兵下寨聚眾商議卓曰吾觀呂布非常人也吾若得此人何慮天下哉帳前一人出曰主公勿憂某與呂布同鄉足知其人勇而無謀見利忘義某憑三寸不爛之舌說呂布拱手來降主公可乎卓大喜觀其人乃虎賁中郎將李肅卓曰汝去說呂布以何而進肅曰某聞主公有名馬一匹號曰赤兔日行千里湏得此馬更用金珠

以利結其心呂布必反丁原原來投主公也卓問李儒曰此言可乎儒曰主公欲取天下何惜一馬卓欣然與之更與金一千兩明珠數顆玉帶一條李肅騎了赤兔馬帶從馬二匹三箇人投呂布寨來伏路軍人圍住肅曰可作速報與呂將軍知道故人來見軍士報入帳中來肅入與布曰賢弟別來無恙布半晌思想不起問曰足下果何人也肅曰鄉中故人何故失忘某乃李肅是也布下拜曰鄉兄久不相見見居何處肅曰仕於漢朝見任虎賁中郎將之職聞賢弟匡扶社稷不勝之喜有良馬一匹日行千里渡水登山若履平地名曰赤兔李肅不敢乘特來獻與賢弟以

助虎威布聽罷便令牽過來果然那馬渾身上下火炭般赤無半根雜毛從頭至尾長一丈從蹄至項鬃高八尺嘶喊咆哮有騰空入海之狀呂布見了大喜史官有四句詩單道赤兔馬詩曰

奔騰千里蕩塵埃渡水爬山紫霧開掣斷絲韁搖玉轡火龍飛下九天來

布謝肅曰兄與此龍駒布將何以報之肅曰某爲義氣而來豈望報乎布置酒相待酒酣肅曰肅與賢弟少得相見今尊多曾會來此馬亦不可謬布曰兄醉矣肅曰何以知之布曰先父棄世多年安得與兄相會肅大笑曰非也某

說今日丁妙刺史布惶恐而言曰在丁建陽處亦出於無奈

肅曰賢弟有擎天架海之才而四海孰不懼怕功名富貴

如探囊中取物耳何言無奈而在人之下乎布曰布欲大

展其能恨不逢主肅笑曰良禽相木而棲賢臣擇主而佐

青春不再悔之晚矣布曰兄在朝廷觀何人爲世之英雄

肅曰某遍觀大臣皆不如董卓董卓爲人敬賢禮士寬仁

厚德賞罰分明終成大業布曰某欲從之恨無門路肅取

金珠玉帶列於布前布驚曰何爲有此肅令叱退左右告

布曰此是董刺史久慕賢弟之德特令某送禮物以獻赤

兔馬亦董公所賜也布曰董刺史如此見愛某將何禮報

之肅曰。如某之不才。尚加爲武賁中郎將。公若到彼。貴不可言。布曰。恨無功。可往報之。肅曰。功在翻手之間。弟不肯爲耳。此時布在肅營。上馬他搬弄而已。兄長少待。容吾到軍中。殺丁原。引軍歸董刺史。若何。肅曰。但恐賢弟不能爲耳。布提刀便起。逕到中軍。丁原秉燭觀書。當見提刀而至。丁原曰。吾兒來。有何事故。布曰。吾乃當世之大丈夫也。安肯爲汝子乎。丁原曰。奉先何故心變。布向前一刀砍下。丁原首級。大呼左右。丁原不仁。吾已殺之。肯從吾者在此。不從者自去。軍士散其大半。布提首級見肅。肅又曰。某當先去報主公。來接將軍。布一面收軍。肅報董卓。董卓置酒去迎呂布。呂布獻了丁

原首級。卓下馬携手入帳中。卓先下拜曰。卓今得將軍。如會。拜。人。爲。父。者。命。殺。人。也。卓。能。無。恨。乎。早苗之得甘雨也。布納卓坐而拜之曰。布今棄暗投明。願

以父事之。卓大喜。重賞李肅。是日以金甲錦袍賜布。暢飲而散。卓又得呂布帶來軍馬。其勢越大。乃自領前將軍。事封弟董旻爲左將軍。鄴侯。封呂布爲騎都尉。中郎將。都亭侯。李儒勸卓早定廢立之計。次日於省中設宴會集公卿。令呂布將甲士千餘侍衛左右。是日太傅袁隗與百官皆到。酒行數巡。卓按劍曰。大者天地。次者君臣。所以爲治好。難。好。難。今上皇帝闇弱。不可以奉宗廟爲天子。吾依伊尹霍光故事。廢帝爲弘農王。立陳留王爲君。汝大臣意下如何。羣臣

惶怖莫敢對坐上一人應聲而出曰太甲不明伊尹放之
昌邑有罪霍光廢之今上富於春秋有何不善汝欲廢嫡
立庶欲爲反耶衆視之乃中軍校尉袁紹也卓大怒叱之
曰豎子天下事在我我今爲之誰敢不從汝視我之劍不
利也袁紹亦拔劍出曰汝劍雖利吾劍豈不利也兩箇在
是箇對手
遜上敵對畢竟袁紹性命如何且聽下回分解

總評

董卓廢辨立協雖爲奸臣妄動此中實有因果人自
不察耳何也何后毒死王美人其子董后育之今陳
留工是也却好董卓來立之非董后之靈實式臨之

董卓的是痴人呂布父事丁原既斬其頭而來矣今
又父事我安保其異日不斬我頭而去乎方大懼之
不暇乃大喜乎痴人痴人

謔語曰殺十常侍時無鬚者多被枉殺未知和尚讀
至此大叫曰可憐可憐既而又曰此時鬍子大興頭
也聞者無不絕倒

一味自是不聽人言禍立至矣世人不信請看何進
便是樣子

第四回

廢漢帝董卓夫權

卓欲殺紹蔡邕止之曰事未有定體不可妄殺袁紹手提寶劍長揖百官而出懸節東門上馬奔冀州而去卓與太傅袁隗曰汝姪無禮太甚吾看汝面不殺之廢立之事其意若何袁隗曰太尉見者是也卓曰敢有阻大議者以軍法從事大臣震動皆云一聽尊命寡罷卓召侍中周毖卓雖非人輔之者皆豪傑也可惜可惜校尉伍瓊議郎何顒問曰袁紹此去若何周毖曰廢立大事非人所及袁紹不達大體恐懼故出奔非有他志也今購之急勢必為變袁氏樹恩四世門生故吏遍於天下若收

豪傑以聚徒聚英雄因之而起山東非公之有也不如赦之拜爲一郡守則紹喜於免罪必無患矣蔡邕曰某不使王公殺紹者正爲此也紹好謀無斷不足爲慮耳加之一郡守以收民心卓大喜即日差人拜爲渤海太守

史官論曰袁紹志大智小好謀無決色厲膽薄不能就

朝堂誅卓及長揖而去得一郡守而喜謬之甚也

彼何曾喜來宛在宛在

董卓權重羣臣見者皆慄然九月朔請帝陞嘉德殿大會文武不到者數是日皆列於班次卓掣劍在手曰少帝聞弱全無威儀可以掌天下今有郊天策文可宜宣讀李儒讀策曰

孝靈皇帝不究高宗眉壽之祚早棄臣子皇帝承紹海內側望而帝天資輕佻威儀不恪在喪慢惰哀如故焉凶德旣彰淫穢發聞損辱神器忝污宗廟皇太后教無母儀統政荒亂永樂太后暴崩衆論惑焉三綱之道天地之紀而乃有闕罪之大者陳留王協聖德偉茂規矩邈然豐下允上有堯圖之表居喪哀戚言不以邪岐嶷之性有成周之懿休聲美譽天下所聞宜承洪業爲萬世統可承宗廟廢皇帝爲弘農王皇太后還政應天順人以慰生靈之望

李儒讀策已畢卓叱左右扶少帝下殿解其璽綬北面長

跪稱臣聽命。少帝號哭，百官慘慘然。卓呼太后去服，候勅。
此時何可無此人太后哽咽，羣臣含悲。皆下一大臣憤怒，高叫曰：「滅臣董卓，敢為欺天之謀，而廢賢明之主，不若與之同死。」揮手中象簡，直擊董卓。卓大怒，喝武士簇下。乃是尚書丁管、丁管罵不絕口。卓命牽出斬之，至死神色不變。靜軒有詩嘆曰：

董卓潛懷廢立圖，漢家宗社委丘墟。
滿朝臣宰皆囊括，惟有丁君是丈夫。

卓請陳留王登殿，羣臣皆呼萬歲。禮畢，卓命扶何太后并弘農王於永安宮隨侍。又有唐妃及宮女二人，月給食糧。諸臣下，毋得輒入。違者滅二族。可憐少帝，四月登基。至於

九月，被董卓廢之。卓所立陳留王協，表字伯和，靈帝中子。即漢獻帝也。九歲即位，董卓為相國，贊拜不名。入朝不趨，劔履上殿，封黃琬為太尉，楊彪為司徒，荀爽為司空，韓馥為冀州牧，張邈為陳留太守，張資為南陽太守。時年庚午歲。改元初平元年。何太后與少帝唐妃困於永安宮中，日夜憂嘆，衣服飲食盡皆缺少。帝淚下，不曾乾。偶見雙燕飛入庭中，帝遂吟詩一首，詩曰：

嫩草綠凝烟，裊裊雙飛燕。
洛水一條青，陌上人呼羨。
遠望碧雲深，是吾舊宮殿。
何人仗忠義，寫我心中怨。

卓時常使宮女探聽動靜，是日獲得此詞，來呈於卓。卓曰：

卓賊至此極惡人罪何可送也

劉辨休矣怨望故作此詞殺之有名矣喚李儒帶武士十

人來殺少帝帝與母何后正在樓上嗟嘆宮女報李儒至

帝大駭儒執醜酒與帝曰春日融和董太師特上壽酒少

帝泣曰何相逼如是也儒曰壽酒無疑太后曰既云壽酒

汝當先飲儒怒曰汝母子特不飲耶呼左右持短刀白練

於前曰壽酒不飲可領此唐妃最可憐一般唐妃跪告儒曰妾身代帝

飲酒愿相公可憐母子性命儒叱曰量汝何等可代毛處

儒舉盃與何太后曰你可先飲后搥臂大罵何進無謀之

賊構引董卓入京致有今日之禍儒催逼帝帝曰容某與

母作別乃大慟而作歌曰

天道易兮我何安棄萬乘兮退守菹灌為臣逼兮命不久

勢將去兮空淚潛

唐妃抱帝亦作歌曰

皇天將崩兮后土頽身為帝姬兮命不隨生死異路兮

從此畢奈何筑速兮心中悲

歌罷相抱而哭李儒喝曰太尉立等回報汝等俄延望誰

救耶何太后大罵國賊董卓逼我子母皇天豈祐汝耶手

指李儒汝等助紂作業之徒必當族滅李儒大怒雙手扯

住太后直攙下樓少帝揪住李儒衣服唐妃向前攬做一

團儒喚武士絞死唐妃以醜酒灌殺少帝史官有詩曰

太后飛身墜玉樓唐妃素練繫咽喉君王服毒皆身喪
漢室江山自此休

遭此大劫真可嘆也

儒還報卓卓命拖出城外埋之自此每夜入宮亥夜淫宮女
夜宿龍床禁庭宮王盡皆淫之常引一軍出城外前行到

陽城時當二月村民社賽男女皆集引軍圍住盡皆殺之

卓賊何以償此可畏可畏

掠婦女財物收萬千餘件都裝在車上懸頭千餘顆於車

下連軫還都先報董太尉殺賊大勝而回各城門外焚燒

其頭以婦女財物盡散其宿帳軍士趁騎校尉伍孚字德

瑜見卓殘暴太甚羣臣戰慄莫敢言者惟有伍孚於朝服

下披小鎧藏短刀候董卓入朝孚迎到閣下掣出短刀直

刺卓卓氣力大兩手握住呂布便入揪倒伍孚卓問曰誰

伍孚是丈夫

教汝反乎瞪目大叫汝非吾君吾非汝臣何反之有汝亂

國篡位罪惡盈天今是吾死之日故來誅奸賊耳恨不車

裂汝於市朝以謝天下董卓大怒令呂布將出剖劊之孚

比死罵不絕口後史官有詩讚曰

漢末忠臣說伍孚冲天豪氣世間無朝堂殺賊名猶在

萬古堪稱大丈夫

董卓自此出入常帶披甲武士前後圍繞袁紹在渤海知

卓美權乃差人齎密書來見王允書曰

卓賊欺天廢王人不忍言入亂禁宮神亦不祐公反恣

其跋扈如不聽聞豈爲報國効職之臣哉紹今集兵練馬欲圖掃清帝室未敢輕舉公想食祿於漢朝當乘間圖之如有驅使卽當奉命書不盡言請宜照察

王允得書尋思無計一日於侍班閣子內見漢朝舊臣俱集王允請曰今日老夫賤降晚間少閑欲屈衆大臣就舍下少酌幸勿見阻衆官皆曰必來添壽當晚就後堂設宴燈燭熒煌公卿皆至允視之皆漢朝舊臣心中暗喜酒至半酣王允舉盞掩面大哭衆官曰司徒肯降不可發悲允曰老夫非賤降之日要與衆官聚會恐賊生疑故推賤降吾哭者哭漢天下也董賊勢若泰山吾等朝夕難保想高

自提三尺劍斬白蛇起義兵子孫相承四百餘年誰想喪於董卓之手吾等捨死無益於國衆公卿盡皆掩面而哭坐上一人撫掌大笑曰滿朝大臣夜哭到明明哭到夜還○妙○語○能哭死董卓否允視之乃是驍騎校尉曹操也允大怒責之曰汝祖宗食祿漢朝四百餘年不思報本反欲縱賊耶汝去告變吾等死亦漢家鬼也操曰非笑別事笑衆大臣無一計殺董卓耶某雖不才畧施小計可斷董卓頭懸於都門外以謝天下王允聽罷乃避席而問曰孟德有何高見匡扶漢室試看曹操道出甚話來

曹子孟德謀殺董卓

曹操曰。近日操進身以事董卓者。實有意以圖之。今卓甚愛有事。必共議之。聞司徒有七寶刀一口。愿借與操入相府。可刺殺之。萬死無恨。王允曰。孟德果有是心。漢天下幸甚。操遂言誓於允前。取七寶刀與操。其刀長尺餘。七寶嵌飾。極其鋒利。操帶之良久。皆散。操平明。逕入相府。問丞相出來否。人指云。出在書院中。坐久。操逕入。見卓坐於床上。側首布侍立。卓問曰。孟德來。何晚。操曰。馬羸行遲。卓曰。吾有西涼州。進到良馬。吾兒呂布可親去選一騎。賜與孟德。布趨步出。操思曰。董卓合死。意欲拔刀。懼卓有力。不敢下手。卓胖大。不耐久坐。遂倒身而臥。轉身背却操。又思曰。此

賊當休矣。刺寶刀在手。卓仰面看衣鏡中。見操挾刀靶。急回身問曰。孟德何為。呂布已牽馬在閣外。操刀已出鞘。就倒轉刀靶。跪下曰。操有寶刀一口。獻上。恩相卓接視之。果寶刀也。遞與呂布收了。操解鞘與之。卓引操看馬。操遂拜謝曰。愿試一騎。卓能人就教與鞍轡。操牽馬出相府。加鞭望東南而去。布對董卓曰。恰纔曹操有刺父之狀。及被喝破。故推獻刀。卓曰。吾亦甚疑。兩箇正未決。忽李儒至。卓以其事告之。儒曰。操無老小。必有下處。差人急喚。如操無疑。而便來。則是獻刀如遲疑。推托而不來。此必行刺。便可擒而問之。卓然其說。差獄卒四五人。往喚多時。回覆云。操不曾到。

下處乘着黃馬飛出東門門吏問之操曰丞相差他有緊
急公事縱馬而出李儒曰操賊心虛逃竄而走卓大怒曰
我如此重用返欲害吾令遍行文書描其模樣畫影圖形
星夜捉拏此賊拏住者千金賞封萬戶侯儒曰必有同設
謀者拏住曹操可知矣支書曉夜行曹操日行夜住奔譙
郡來路經中牟縣過把關者見之曰朝廷捕獲曹操此必
是也當住問曰汝何姓那裡來操曰我覆姓皇甫從泗州
來把關者曰朝廷捕獲曹操你的服色模樣正對拖見縣
令操言我是客人縣令曰我在洛陽求官認得曹操捉來
便知奪了馬擁至庭下縣令喝曰我認得你如何隱諱且

把來監而來日起解萬戶侯我做千金賞分與眾人把關

人與了酒肉皆散至晚縣令是有心人縣令引親隨人取出曹操於後院

問之我聞丞相待你甚厚何故自取其禍操曰燕雀安知

鴻鵠之志哉汝既拏住便當解去請賞何必多問縣令曰

汝休小覷我我亦有冲天之志奈何未遇其主耳操曰吾

乃相國曹參之後祖宗四百年食漢祿矣不思報本與禽

獸何異吾屈身而事董賊者實欲與國家除害耳今事不

成此乃天意也縣令曰孟德此行將欲何往操曰吾歸鄉

中發矯詔召四海使天下諸侯共興兵誅董卓吾之意也

奈何天不從之縣令聞之乃親釋其縛扶之上坐酌酒再

拜曰公乃天下忠義之士也吾棄官而從之操問姓名縣
令曰吾姓陳名宮字公臺老母妻子皆在東郡宮愿與公
更衣易馬共謀大事是夜收拾盤費陳宮與曹操各背劔
乘馬投故鄉來三日至成皋成皋今汜水縣天色向晚操以鞭指
林深處而言曰此間有一人姓呂名伯奢是吾父親拜義
弟兄就往問家中信息覓一宿若何宮曰最好二人到庄
前下馬入見伯奢下拜奢曰我聞朝廷遍行文書捉你太
緊你父避陳留去了陳留郡名賢姪如何到此操告以前事今
番不是陳縣令已粉骨碎身矣伯奢拜陳宮曰小姪若非
使君曹氏滅門矣言罷與操同賢姪相陪使君寬懷安坐

老夫家無好酒容往西村沽一樽以待使君言訖上驢去
了。操坐久聞庄後磨刀之聲操與宮曰呂伯奢非吾至親
此去可疑當竊聽之二人潛步入草堂後但聞人語曰縛
而殺之操曰不先下手必遭擒矣與宮拔劔直入不問男
女皆殺之殺死八口搜至厨下見縛一猪欲殺靜軒有詩
嘆曰

夜深喜識故人容
疋馬來還寄舊蹤
一念誤將良善戮
方知曹操是奸雄

陳宮曰孟德心多誤殺好人操曰可急上馬二人行不到
二里見呂伯奢驢鞍前鞵懸酒二瓶手抱果木而來伯奢

叫曰賢姪何故便去操曰被獲之人不敢久住伯奢曰吾已分付宰一豬相款使君何憎一宿操不顧策馬便行又不到數步操拔劍復回叫伯奢曰此來者何人伯奢回頭看時操將呂伯奢砍於驢下宮曰恰纔誤耳今何故也操曰伯奢到家見殺死親子安肯罷耶吾等必遭禍矣宮曰非也知而故殺大不義也操曰寧使我負天下人休教天下人負我陳宮默然曹操說出這兩句言語教萬代人罵開此口當夜陳宮行數里月明中敲開店門投宿先喂飽了馬匹操先睡陳宮尋思我將謂曹操是好人棄官跟將他來原是狼心狗倖之徒今日留之必爲後患拔劍來殺曹操性命如何

總評

丁○管○伍○孚○是○個○漢○子○然○死○而○無○益○以○謀○之○不○遠○發○之○太○驟○耳○若○本○初○一○書○孟○德○數○語○侃○侃○正○言○機○微○旨○密○真○可○與○幹○事○之○人○也○
哭○死○董○卓○之○語○非○有○廿○分○識○廿○分○才○廿○分○膽○亦○何○敢○旁○若○無○人○開○此○大○口○也○孟○德○人○豪○哉○孟○德○人○豪○哉○孟○德○殺○伯○奢○一○家○誤○也○可○原○也○至○殺○伯○奢○則○惡○極○矣○罪○大○矣○可○恨○矣○可○殺○矣○更○說○出○寧○使○我○負○天○下○人○休○教○天○下○人○負○我○話○來○讀○史○者○至○此○無○不○欲○食○其○肉○而

寢其皮也。不知此猶孟德之過人處也。試問天下人誰不有此心者。誰復能開此口乎。故吾以世人心較之。猶取孟德也。至於講道學諸公。且反其語曰。寧使天下人負我。毋使我負天下。非不說得好聽。倘存心行事。稍有一毫孟德者。存是孟德。猶不失為心口如一之小人。彼曹反為口君子。身小人之罪人也。卽孟德見此曹。亦何肯以之為奴也哉。吾故曰。此猶孟德之過人處也。

陳宮舍孟德而去。可謂有廿分識矣。亦可謂有廿分膽也。

第五回

曹操起兵伐董卓

陳宮臨欲下手。思曰。我為國家跟他到此。殺之不義。到不若棄之。宮插劍入鞘。上馬未及天明。自到東郡去了。操覺不見陳宮。尋思。此人見我說了這兩句。疑我不仁。棄之而去。吾當急往。不可久留。操連夜到陳留。尋見父親。說上項事。欲散家資。招募義兵。父言資少。恐不成事。此間有衛弘。舉孝廉。踈財仗義。其家巨富。若得相助。事可圖矣。操置酒。張筵拜請衛弘到家。告曰。今漢室無主。董卓專權。篡國害民。天下切齒。操欲力扶社稷。恨力不足耳。公乃忠義丈夫。

故哀告耳。衛弘曰：吾有是心久矣，恨無効力之人。既孟德

有大志，愿將家資相助。操大喜，先發矯詔，馳報各道。然後

招集義兵，豎起招兵白旗，一面上書忠義二字。是日清早

應募之士，如雨駢集。有一人從衆中出，曰：某與明公愿為

吏討董卓。操問之，其人乃陽平衛國人也。陽平衛國今東昌府姓樂

名進，字文謙，身材短小，膽量過人。操留為帳前吏。是日兄

弟二人各引壯士三千餘人，逕投曹操。一人覆姓夏侯，名

惇，字元讓，沛國譙人也。乃夏侯嬰之後。自小習鎗棒，年十

四，從師學鎗法。有人辱罵其師，惇提刀殺之，逃命於外。方

聞知曹操起兵，與同宗族兄弟夏侯淵來協助。淵字妙才，

此二人皆操之弟兄。操之父曹嵩原是夏侯氏之子，過房

與曹家，因此是親。不數日，曹操兄弟曹仁并曹洪引兵千

餘來助曹操。曹仁字子孝，曹洪字子廉。此二人乃弓馬熟

閑，武藝精通。曹操大喜，於村中調練軍馬。一人持鎗而來，

於曹操面前大呼曰：願從將軍以誅國賊。操問之，其人姓

李名典，字曼成，山陽鉅鹿人也。於操前施逞鎗法，問答如

流。操喜，備弘盡出家財，置辦衣甲旗幡。四方送糧食者不

記其數。曹兵壯士五千屯於陳留。時袁紹得操矯詔，乃聚

麾下壯士商議起兵。有田豐沮授許攸審配郭圖顏良文

醜文臣武將，整整齊齊，各懷報國之心。盡有匡君之志。引

兵二萬離渤海來與曹操會盟操作檄文以達諸郡檄文曰

操等謹以大義布告天下董卓欺天罔地滅國弑君穢亂宮禁殘害生靈狼戾不仁罪惡充積今奉天子密詔大集義兵誓欲掃清華夏勦戮羣凶望興仁義之師來赴忠烈之會扶持王室拯救黎民檄文到日速可奉行操發檄文去後各鎮諸侯皆起兵

第一鎮交遊豪傑結納英雄此時猶然漢天下也後將軍南陽太守袁術字公路

第二鎮貫通諸子博覽九經冀州刺史韓馥字文節

第三鎮高談濶論博古通今豫州刺史孔伉字公緒

第四鎮孝弟仁慈屈已待士兖州刺史劉岱字公山

第五鎮仗義疎財揮金似土河內郡太守王匡字公節

第六鎮賑窮救急志大心高陳留太守張邈字孟卓

第七鎮恩惠及人聰敏有學東郡太守喬瑁字元偉

第八鎮忠直元亮秀氣文華山陽太守袁遺字伯業

第九鎮有謀多智善武能文濟北相鮑信字允誠

第十鎮聖人宗派好客禮賢北海太守孔融字文舉

第十一鎮武藝超羣威儀出眾廣陵太守張超字孟高

第十二鎮仁人君子德厚溫良徐州刺史陶謙字恭祖

第十三鎮名鎮羌胡聲聞華夏西涼太守馬騰字壽成

第十四鎮聲如巨鐘丰姿英偉北平太守公孫瓚字伯圭

第十五鎮隨機應變臨事勇為上黨太守張揚字稚叔

第十六鎮英雄冠世剛勇絕倫烏程侯太守孫堅字文臺

第十七鎮四世三公門多故吏祁鄉侯渤海太守袁紹

字本初

諸路軍馬多少不等有三萬者有一二萬者各領文官武

將投洛陽來且說一路軍馬乃北平太守統領幽州官拜

奮武將軍覆姓公孫單名稱瓚遠西令支人也統領精兵

一萬五千人起發路經德州平原縣過遠西令支俱郡名軍馬正

行之間遙見桑樹叢中一面黃旗數騎來迎遠看見公孫

瓚下馬瓚視之乃劉玄德也瓚亦下馬問曰賢弟何故在

此玄德曰兄長失忘舊日蒙兄保委備為平原縣令因此

出城閑行偶遇尊兄到此乃大幸也就請兄長入城歇馬

云云瓚指關張而問曰此何人也玄德曰此是關某張飛

備結義兄弟也瓚曰乃同破黃巾者乎玄德曰皆此二人

之力也瓚曰有何爵祿玄德答曰關某為馬弓手張飛為

步弓手瓚曰空埋了大丈夫耳今董卓作亂天下諸侯共

往誅之賢弟可棄此卑官一同討賊方扶漢室若何玄德

曰願往張飛曰看○這○時○他○說○當時若容我殺了此賊免有今日之事關

某曰事已至此收拾便行玄德關張引數騎跟公孫瓚來且說那十八路諸侯那一路先到此人身長八尺英雄雙全橫跨三江威服六郡乃富春人也姓孫名堅字文臺後人有詩贊曰

誰道江南少將才明星夜夜照文臺欲誅董卓安天下爲首長沙太守來

曹操接着孫堅眾諸侯陸續皆到各自安營下寨連接二百餘里操乃宰牛殺馬大會諸侯商議進兵之策太守王操曰今奉大義必立盟王眾聽約束然後進兵迺互相讓操曰袁本初四世三公門多故吏漢朝名相之裔可爲盟

王紹再三推辭眾皆曰非本初不可爲也紹方應允次日築臺二層遍列五方旗幟上建白旄黃鉞兵符將印請紹登壇紹整衣佩劍慨然而上焚香再拜其盟曰

漢室不幸皇綱失統賊臣董卓乘豐縱害禍加至尊虐流百姓大懼淪喪社稷剪覆四海紹等糾合義兵並赴國難凡我同盟齊心戮力以致臣節殞首喪元必無二志有渝此盟俾墜其命無克遺育皇天后土祖宗明靈實皆鑒之

讀畢歎血眾等因其辭氣慷慨遂皆涕泣橫流聞其言者雖卒伍廝養莫不切齒踴躍共思誅討逆賊董卓及歃血

已罷下壇衆皆扶紹升帳待坐各施禮罷兩行依爵位年齒分列而坐操行酒數巡言曰今日既立盟主各聽調遣同扶天下勿以強弱計較紹曰吾無壓衆之心汝等推戴我爲盟主有功者必賞有罪者必罰國有常刑軍有紀律各宜遵守勿得違犯衆皆曰惟命是聽紹曰吾弟袁術總督糧草應付諸營無使有缺誰肯爲前部先鋒直抵汜水關下誘賊相持餘皆各據險要以爲接應長沙太守孫堅孫堅可用出曰堅雖不才願爲前部紹曰文臺勇烈可稱此職隨卽捧盃作賀連忙引本部人馬大刀闊斧奔汜水關來有守關將差流星馬往洛陽丞相府告急董卓自專大權之後

每日飲宴更深方散李儒接得告急文字逕來稟覆丞相董卓大驚急聚衆將商議卓曰今袁紹曹操聚各路太守軍馬直抵關前諸將有何妙計溫侯呂布挺身出曰父親勿慮吾觀關外衆多諸侯如草芥親提虎狼之師盡斬其首懸於都門呂布之願也卓大喜曰吾有奉先高枕無憂矣言未絕呂布背後一人高聲而出曰殺雞焉用牛刀不必溫侯有勞虎威吾觀斬衆諸侯首級如探囊取物耳卓視之其人身長九尺面如噴血虎體狼腰豹頭猿臂關西人也姓華名雄卓帳前第一員驍將卓聽其言大喜加爲驍騎校尉撥馬步軍五萬一同李肅胡軫趙岑連夜便起

飛奔汜水關來，却說眾諸侯內有濟北相鮑信，尋思孫堅爲其前部若幹了大功，都不顯我等。暗撥其弟鮑忠先將馬步軍二千，逕抄小路，直到關下搦戰。華雄引鐵騎五百，飛下關來，大喝賊將休走。鮑忠急待退，被華雄手起刀落，斬鮑忠於馬下。生擒將校極多。華雄上馬親賣鮑忠首級，直來相府獻功。董卓賜雄重賞，又與軍馬一千。雄辭董卓上馬，部領出城投汜水關，扎住大寨。卓使人加雄爲都督，甚勿下關，輕敵孫堅，引四將直至關前。那四將第一箇右北平上垠人，姓程名普，字德謀，使一條鐵脊蛇矛。東吳第一員上將，第二箇姓黃名蓋，字公覆，零陵人也。使鐵鞭第

三箇姓韓名當，字義公，遼西令支人也。使一口大刀。第四箇姓祖名茂，字大榮，吳郡富春人也。使雙刀。孫堅披爛銀鎧，裹赤幘，橫古錠刀，騎花鬃馬，指關上而罵曰：「助惡匹夫，何不早降華雄副將胡軫？」曰：「某下關必斬孫堅，雄與兵五千排列出關，堅見胡軫出馬，却欲自出。程普飛馬挺矛，直取胡軫，鬪不數合，程普刺中胡軫咽喉，死於馬下。一陣直殺上關，關上矢如雨下。孫堅引兵回至梁東屯，任堅使人於袁紹處報捷，就於袁術處催糧。或譖孫堅乃江東之猛虎，若打破洛陽，殺了董卓，正是除狼而得虎也。今不可與糧。彼軍必散，術聽之不發糧草。孫堅軍缺食，軍中自亂。細

作報知也上開來李肅與華雄商議我引一軍從小路下關襲孫堅寨後汝可半夜到堅寨必然擒矣雄喜連晚傳令教軍飽食了一頓披掛下關是夜月白風清比及到堅寨時已是半夜鼓譟直進堅披掛慌忙上馬正遇華雄兩馬相交鬪不到數合寨後李肅軍到竟天放火孫堅軍人無糧食四下裏亂竄堅撥回馬匹四下裡喊聲不絕程普黃蓋韓當各不相顧止有祖茂跟定孫堅與數十騎突圍而走昔後華雄追堅堅勒回馬又戰十餘合堅敗雄起來堅連放兩箭皆被華雄躲過盡氣力放第三箭力大拽折了鵠畫弓棄弓縱馬穿林而走祖茂曰主公頭上赤幘射日雄

祖茂智勇忠義色色俱全足丈夫一哉
望之心不捨可脫幘與某戴之堅就馬上換茂盔分兩路而走華雄見赤幘者投東引軍投東趕追孫堅從小路得脫祖茂被華雄追趕不及將赤幘掛於人家燒不盡庭柱上却於樹後潛躲華雄軍遙見赤幘四面圍定不敢向前用箭射之方知是計遂向前取了赤幘華雄縱馬尋祖茂茂於林後揮雙刀欲劈華雄雄大喝一聲將祖茂一刀砍於馬下雄引兵上關程普黃蓋韓當都來尋見孫堅再收拾軍馬屯扎堅爲折了鄉人祖茂傷感不已却說大寨袁紹望帳忽流星馬報孫堅大折了一陣祖茂沒於軍中紹大驚曰不想孫文臺敗於華雄之手他孤軍在外難扎寨

又恐有劫寨兵來令人取回大寨計議云云請眾諸侯商議都皆到了只有公孫瓚後至紹請入帳上列坐紹曰前日鮑將軍第不遵調度擅自進兵殺身喪命折了許多軍士今者孫文臺又敗於華雄挫動銳氣諸侯並皆不語紹舉目遍視見公孫瓚背後立着三人容貌異常都在背後笑善德來冷笑紹問曰公孫太守背後何人也瓚呼玄德出曰此乃自幼同舍兄弟平原令劉備是也曹操曰莫非破黃巾劉玄德者乎瓚曰然令劉玄德拜見紹曰破黃巾有功來瓚將玄德功細說一遍紹曰既是漢室宗派取坐來命坐備曰小縣令安敢坐紹曰吾非敬汝名爵吾敬汝是帝室之

胄於國多曾有功玄德拜謝於階下未坐關張叉手侍立於後正商議間探子來報華雄引鐵騎下関用長竿挑着孫太守赤幘且來寨前大罵搦戰紹曰誰敢去戰此賊袁術背後轉出驍將俞涉曰小將願往紹喜使着俞涉出馬即時報來俞涉與華雄交戰不到三合被華雄斬了眾諸侯大驚太守韓馥曰吾有上將潘鳳可斬華雄紹急令喚至應聲而出手提大斧上馬去不多時飛馬來報潘鳳又被華雄斬了眾諸侯皆失色袁紹拍股嘆曰可惜吾上將顏良文醜催軍未回得一人在此豈放華雄施威哉汝眾諸侯許多將士豈無一人可敵華雄眾官默然忽階下一

人大呼出曰小將願往斬華雄頭獻於帳下衆視之見其
人身長九尺五寸髯長一尺八寸丹鳳眼臥蠶眉面如重
棗聲似巨鐘立於帳前紹問何人公孫瓚曰此劉玄德之
弟關某也紹問見居何職瓚曰跟隨劉玄德充馬弓手帳
上袁術大喝曰汝欺吾衆諸侯無大將耶量一弓手安敢
弟也 不如老瞞 多矣亂言與我亂棒打出曹操急止之曰公路息怒此人既出
大言必有廣學試教出馬如其不勝誅亦未遲袁紹曰不
然使一弓手出戰必被華雄恥笑吾等如何見人曹操曰
據此人儀表非俗華雄安知他是弓手關某曰如不勝請
斬某頭操教醜執酒一盃與關某飲了上馬關某曰酒且

斟下某去便來出帳提刀飛身上馬衆諸侯聽得關外鼓
聲大震喊聲大舉如天摧地塌岳撼山崩衆皆失驚却欲
探聽今何在也 卽爲雲長執鞭雲長之馬亦不肯也 奴才奴才聽總鈴響處馬到中軍雲長提華雄之頭擲於地上其
酒尚溫史官有詩曰

威鎮乾坤第一功
轅門畫鼓響
夔夔雲長停盞施英勇
酒尚溫時斬華雄

雲長出馬只一合斬了華雄提頭入獻衆皆大喜玄德背
後轉出張飛高聲大呼俺哥哥斬了華雄不就這裏殺入
關去活捉董卓更待何時掉丈八蛇矛來搶關隘如何

虎牢關三戰呂布

張飛便要上馬乘勢搶關袁術大怒喝道俺大臣尚自謙

袁術俗物張翼德何不以大拳一死之今日此寺俗物標讓量一潑縣令手下小卒敢在此耀武揚威都與趕出帳

多一該以老拳斷送之也去曹操曰既是得功者賞何計貴賤乎袁術曰既然汝等

待用一縣令我迴避便了操曰豈可因一言而誤大事耶

命公孫瓚且帶玄德關張回寨眾官皆散曹操暗使人賚

牛酒來慰三人却說華雄手下敗軍報上關來李肅慌忙

寫告急文書申聞董卓卓急聚李儒呂布等商議儒曰今

折了上將華雄賊勢浩大皆是袁紹為盟主以聚眾惡紹

叔袁隗見為太傅倘或裏應外合深為不便可先除之請

丞相親賚大軍分投剿捕卓然其說喚李傕郭汜領兵五

百圍住太傅袁隗不分老幼盡皆誅絕先將袁隗頭去關

前號令董卓遂起兵二十萬分為兩路而來一路先令李

傕郭汜引兵五萬把住汜水關不要廝殺卓自將十五萬

同李儒呂布樊稠張濟取虎牢關虎牢關在關封府汜水縣這關離洛

陽五十里若進兵却好截住諸侯路軍馬到關上了卓令

呂布領三萬軍去關前扎住大寨卓自在關上屯住流星

馬探聽得報將袁紹大寨裏來紹聚眾商議操曰董卓屯

兵在虎牢關截俺諸侯中路分其形勢可勒兵一半迎敵

紹乃分王匡橋瑁鮑信袁遺孔融張揚陶謙公孫瓚八路

諸侯往虎牢關迎敵操引軍往來救應使八路諸侯得令

各自起兵先說河內太守王匡引兵先到呂布在寨中聽
得有軍來到欣然上馬帶鐵騎三千飛奔來迎王匡將軍
馬列成陣勢勒馬旗門下時見呂布出陣頭帶三叉束髮
紫金冠體掛西川紅錦百花袍身披獸面吞頭連環鎧腰
繫勒甲玲瓏獅蠻帶弓箭隨身可體手持畫桿方天戟坐
下嘶風赤兔馬果然是人中呂布馬中赤兔人馬之中漢
末兩絕那馬左右盤旋往來馳騁王匡見了心中惶惶回
頭問曰誰出陣戰後面一將縱馬挺鎗而出匡視之乃河
內名將方悅兩馬相交無五合被呂布一戟刺於馬下王
匡便勒馬入陣呂布挺戟直衝過來匡軍大敗四散奔走
布衝陣如入無人之境鐵甲背後擁來橋瑁一軍袁遺一
軍兩軍皆至來救王匡呂布方退三處各折了人馬退三
此時袁術何在何不以四世三公四字退却呂布也可
十里下寨諸侯八路軍馬都至一處商議言呂布英雄無
發一笑人可敵正慮間小校報來呂布搦戰八路諸侯各自上馬
歸本寨軍分八隊布列於高崗遙望呂布一簇軍馬繡旗
招颭先來衝陣張揚軍陣中手下將穆順出馬挺鎗去迎
呂布手起一戟刺穆順於馬下八路諸侯心膽俱喪北海
太守孔融部下一將出曰吾受文舉恩已十年何不以死
報之融視之乃門下勇士武安國也使鐵鎚重五十斤安
國提長柄鐵鎚飛馬而出呂布揮戟拍馬而來與安國戰

戰到十餘合，一戟砍斷安國手腕，棄鎗於地而走。入路諸侯一齊殺來，救了武安國。呂布退回去了。却說入路諸侯連輸數陣，申報袁紹。曹操曰：「呂布英雄，天下無敵，可會十入路諸侯一齊商議，共擒呂布。若誅了呂布，董卓易哉。」正議之間，有人來報呂布搦戰。紹令入路諸侯攻呂布。呂布逕衝公孫瓚，瓚自揮搦直迎呂布。布睜目大叫，揮戟來戰。戰不兩合，瓚撥回馬，速慌而走。呂布縱赤兔馬趕來，那馬日行千里，飛走如風。看看趕上公孫瓚，布舉畫桿戟望後心，便刺傍邊一將，圓睜環眼，倒豎虎鬚，挺丈八蛇矛，飛馬大叫：「三姓家奴，休走！」燕人張飛在此。呂布見了，棄了公孫

瓚，使戰張飛。飛抖擻神威，酣戰呂布。入路諸侯見張飛漸漸鎗法散亂，呂布越添精神。張飛性起，大喊一聲，雲長把馬一拍，舞八十二斤青龍偃月刀來夾攻呂布。三匹馬丁字兒廝殺，又戰到三十合。兩員將戰不倒，呂布劉玄德看了，心中暗想：「我不下手，更待何時？」掣雙股劍，驟黃鬃馬，刺斜裏去砍。這三箇圍住呂布，轉燈兒般廝殺。入路人馬都看得呆了。呂布架隔遮欄，不定看着玄德，面上刺一戟。玄德急閃，呂布蕩開陣角，倒拖畫戟，飛馬便走。三箇那裏肯捨拍馬趕來。入路軍兵喊聲大震，一齊掩殺呂布軍馬。望關上奔走。玄德關張隨後跟定呂布。古人曾有篇言語單

道着玄德關張三戰呂布

漢朝天數當桓靈炎炎紅日將西傾奸臣董卓廢少帝
劉協懦弱魂夢驚雷日操傳檄告天下諸侯奮怒皆興兵
議立袁紹作盟主誓扶王室定太平溫侯呂布世無比
雄才四海誇英偉護驅銀鎧砌龍鱗束髮金冠簪雉尾
參差寶帶獸平吞錯落錦袍飛鳳起龍駒跳踏起天風
畫戟熒煌射秋水出關搦戰誰敢當諸侯膽裂心惶惶
踴出燕人張翼德手提蛇矛丈八鎗虎鬚倒豎翻金線
環眼圓睜起電光酣戰未能分勝敗陣前惱起關雲長
青龍寶刀燦霜雪鸚鵡地戰袍飛蚨蝶馬蹄到處鬼神豪

目前一怒應流血梟雄玄德掣雙鋒抖擻天威施勇烈
三人圍繞戰多時遮欄架隔無休歇喊聲震動天地翻
殺氣迷漫牛斗寒呂布力窮尋走路遙望家山拍馬還
倒拖畫桿方天戟亂散銷金五彩旛頓斷絨絛走赤兔
翻身飛上虎牢關

玄德關張直趕呂布到關下看見關上西風飄動青羅傘
蓋飛大叫必是董卓追趕呂布有甚強處不如先掣董賊
便是斬草除根拍馬上關來擒董卓畢竟如何

總評

前董卓以玄德白身有功不報今袁氏兄弟又以雲

長弓手不欲序用若非孟德具眼英雄遂無出頭之期矣。卽此一事孟德何可及也。彼袁紹者何以爲盟主哉。何以爲盟主哉。

袁術小人不識玄德兄弟無責也。本初亦是人豪。乃亦拘牽俗見不能格外用人。嗚呼。天生豪傑豈可于資格中求哉。此孟德之所以爲可兒也。今人都罵孟德奸雄。吾恐奸雄非尋常人所可罵也。還應孟德罵人不好雄耳。

曹操暗以牛酒來慰玄德兄弟。此何如舉動也。卽袁紹不及之矣。况餘人乎。操真好雄。何可及也。

第六回

董卓火燒長樂宮

張飛拍馬趕到關下。關上矢石如雨。遂不得進而回。八路諸侯同請玄德。關張作賀功績。使人報袁紹。寨中紹聞知大喜。遂移檄孫堅。令堅進兵。堅連夜引程並黃蓋直到表術寨中。相見堅。以杖畫地曰：董卓與我本無讐言。今奮奮不顧身。親冒矢石。來決死戰者。上爲國家討賊。下爲將軍家門之私。而將軍却聽讒言。不發糧草。致令堅敗績。將軍何安術惶恐無言。就令斬了進讒言之人。以謝孫堅。正飲宴間。人報堅曰：關上有兩騎馬來。寨中要見將軍。堅辭表術。

歸到本寨喚來問時乃董卓愛將李傕堅曰汝來何爲
曰丞相所敬者惟將軍耳今特使傕來結親丞相有女欲
配將軍之子但有宗族子弟連名保上皆作郡守刺史庶
幾不失人才堅大怒叱曰董卓逆天無道蕩覆王室吾欲
盡夷九族懸頭四海以謝天下如其不然則吾死不瞑目
安肯與逆賊結親耶吾不斬汝汝當速去早獻關饒你性
命倘若遲悞粉骨碎身李傕抱頭鼠竄回見董卓說孫堅
如此無禮卓怒問李儒儒曰温侯新敗兵無戰心不若引
兵回洛陽遷帝于長安以應謠兆近日街市小童謠曰西
頭一箇漢東頭一箇漢鹿走入長安方可無斯難此言正

應丞相旺在長安具福之地西頭一箇漢乃高祖旺于西
都長安一十二帝東頭一箇漢乃應光武旺于東都洛陽
今亦一十二帝天運合回丞相遷回長安方可無危急矣
卓大喜曰非汝言之吾實不悟引温侯呂布星夜回洛陽
商議遷都聚文武于朝堂卓曰漢歷東都二百餘年氣數
已衰吾觀旺氣入在長安吾欲奉鬻駕西幸汝等各宜促
裝耳司徒楊彪出言曰關中殘破零落今無故捐宗廟棄
皇陵恐百姓驚動必有鼎沸之亂天下動之至易安之至
難望丞相鑒察卓大怒曰汝阻國家之大計耶太尉黃琬
出口楊司徒之言是也往者王莽篡逆更始赤眉之時焚

燒長安盡為瓦礫之地更兼人民流移百無一二今棄官
室而就其荒地非所宜也卓曰關東賊起天下播亂長安
有峭函之險更近隴右木石磚瓦克日可辦宮室官府不
須月餘汝等再休亂言司徒荀爽諫曰丞相若欲遷都洛
陽百姓皆危亡矣卓大怒曰吾為天下計豈惜小民哉爽
曰民為邦本本固邦寧若使遷都民不聊生自此天下危
矣卓曰亂道即日罷楊彪黃琬荀爽官職貶為庶民卓出
上車車前二人跪下視之乃尚書周毖城門校尉伍瓊卓
問有何事毖曰今聞丞相欲遷都長安故來諫耳卓大怒
曰我始聽你兩箇保用的人今日皆反是汝等一黨若不

斬絕必生後患叱武士拏出都門斬首百姓莫不垂淚卓
下令遷都來日便行李儒曰今錢糧缺少洛陽富戶極多
可收入官但是袁紹等門下殺其宗黨而抄其家資必得
巨萬卓大喜即差鐵騎五千遍行捉拏洛陽富戶頭插旗
上寫反臣逆黨數千家盡斬于城外取其金資將俵眾軍
而去李傕郭汜盡驅洛陽之民數百萬口前赴長安每百
姓一隊間軍一隊互相推拖死于溝壑中者不可勝數及
縱軍士淫人妻女奪人糧食饑餓自盡者死屍遍野啼哭
之聲震動天地如有行得遲者背後三千軍催督軍手執
白刃于路殺人卓臨起先教諸門放火焚燒居民房屋獻

卓惡黃蓋至此

帝并皇族上車卓令放火燒宗廟宮府南北兩宮火焰相接長樂宮庭盡為焦土又差呂布發掘先皇及后妃陵寢取其金寶軍士乘時掘官民墳塚不留一墓董卓裝載金珠段疋好物數千餘車卓將趙岑獻了汜水關孫堅驅兵先入玄德關張殺入虎牢關諸侯各引軍入先說孫堅飛奔洛陽遙望火焰冲天黑煙鋪地二三百里並無鷄犬人烟堅先發兵救滅官中火衆諸侯各于荒地上屯住軍馬曹操來見表紹曰今董卓西去正可乘勢追襲本初按兵不動何也紹曰諸兵疲困進則無益操曰董卓焚燒宮室遷劫天子海內震動不知所歸此天亡之時也一戰而天

下定矣諸公何疑而不進焉衆諸侯皆言不可輕動操大怒而起曰豎子不足與謀遂自引兵萬餘領夏侯淵曹仁曹洪李典樂進星夜進兵來趕董卓卓正行間榮陽太守徐榮引兵出接參拜已畢李儒曰丞相新棄洛陽防有追趕者可教徐榮伏軍馬于榮陽城外榮陽古邑名今開山封府榮陽縣也塢之傍若有追兵放將過來待我這裏殺敗截住掩殺令後來者影也不敢望長安卓大喜賞賜了徐榮便教伏兵卓令呂布引精兵過後正行之間曹操一軍趕上呂布大笑曰不出李儒之所料也將人擺開曹操出馬大叫逆賊遷天子徙百姓好生都留下呂布罵曰背主懦夫豈足為

道夏侯惇挺鎗躍馬直出呂布與惇戰不數合李進引一軍從側邊殺來操急令夏侯淵迎敵西邊又喊聲起郭汜又引一軍殺到操急令曹仁迎敵三路軍馬勢不可當夏侯惇抵敵呂布不住飛回陣來布引鐵騎掩殺曹操軍大敗回望滎陽而走殘軍各自逃生却纔聚集得二四千人衆軍都到呂布不起操軍就在荒山角下造飯時約二更月明如晝軍士尚未得飯山四圍喊聲徐榮伏兵盡出曹操急慌人馬奔路而走轉過山坡正撞徐榮轉身便走榮搭上箭射中操肩膊操帶箭逃命蹶過草坡兩箇步軍伏于草中見操馬來二鎗齊發曹操翻身落馬馬中二鎗先

倒二卒搶住曹操揪下草坡一騎馬到月明中認得曹操兩刀砍死兩箇步軍急下馬扶起操時操箭傷痛昏倒在地那員將救醒曹操曹操視之乃曹洪也操曰吾死于此矣賢弟可速去洪曰主公上馬洪愿步行操曰賊兵趕上汝却怎生洪曰天下寧可無洪不可無主公操曰吾若再生汝之力也洪脫去衣甲拖刀跟操馬走約四更多後面喊聲不絕人馬趕來操與洪正走間前面一條大河後面追兵漸近操曰命已至此不得復活洪曰主公下馬脫去袍鎧洪負主公渡水操掙過大河爬得上岸後軍已到隔水放箭操帶水而走方始天曉約走二十餘里土崗下

由今言之天下何可有若洪若正不妨有也

曹洪者漢之賊也

少歇喊聲起處徐榮從上流渡河一彪人馬趕來曹操性命如何

袁紹孫堅奪玉璽

徐榮趕上正待要擒曹操夏侯惇引十數騎也到大喝徐榮勿傷吾主公徐榮便奔夏侯惇挺鎗來迎交馬數合惇刺徐榮於馬下殺散餘兵隨後曹仁李典樂進各引軍尋到見了曹操憂喜交集聚有五百餘人馬操上馬同回河內再聚軍馬卓兵自住長安却說眾諸侯分屯洛陽孫堅救滅宮中餘火兵屯城內堅設帳房于建章殿○惟○中○東○廟○亦○自○可○見基上堅令軍士掃除宮殿瓦礫但有卓開掘陵寢盡皆閉

塞于太廟基上草創殿屋三間請眾諸侯立漢代神位宰太牢祀之祭畢皆散堅列寨中是夜星月交輝暖風習習乃按劍露坐于建章殿階上仰觀天文見紫薇垣中白氣漫漫堅嘆曰帝星不明賊臣亂國萬民塗炭京城一空言訖淚下如雨傍有軍士指曰殿南有五色毫光起于井中堅喚軍士點起火把下井打撈撈起一婦人屍首雖然日久其屍不爛宮樣裝束項下帶一錦囊兩手圍定繡龍紫袂取開看時內有朱紅小匣扭開金鎖見一玉璽方圓四寸上鑄五龍交紐傍缺一角以黃金鑲之上有篆文八字云受命于天既壽永昌堅得璽乃問程普程普曰此傳國

璽也此玉是昔日下和于荆山之下見鳳凰棲于石上載而進之楚文王解之果得玉璞秦二十六年令良工琢爲璽李斯篆八字于其上云受命于天既壽永昌名曰傳國璽二十八年始皇狩至洞庭湖風浪大作舟船將覆始皇急投玉璽于水風平浪靜至三十六年始皇巡狩至華陰有人持璽遮道與從者曰持此還祖龍言訖不見此璽復歸于秦始皇崩子嬰將玉璽獻與漢高祖後至王莽篡逆孝元皇太后將印打王尋蘇獻崩其一角以金鑲之光武得此寶于宜陽傳位至今近聞十常侍作亂劫少帝出北中回宮失此寶今天授主公必有登九五之分此處不可

久留宜速回江東別圖大事堅曰吾足知此寶正與汝合來日推托有疾辭衆回軍商議已定號令諸軍勿泄漏如違者斬數中一軍是袁紹鄉人無由進身連夜偷出營寨來報表紹紹賞賜了留之次日孫堅來辭表紹曰堅抱小疾欲歸長沙特來別公紹笑曰吾知汝疾乃害傳國璽耳堅失色曰本初何故出此言紹曰今舉大事與兵討賊爲漢朝天下玉璽乃漢朝之寶既然獲得當對衆留于盟主之處候誅了董卓復歸朝廷汝何收匿之而欲歸必思反耶堅曰玉璽豈在吾處紹曰建章殿井中之物何在堅曰吾本無之汝來逼吾將欲反耶紹曰早將出免自生禍堅

指天為誓曰吾若果得玉璽不將與汝今吾不得善終死于刀箭之下衆諸侯曰文臺如此說誓想必無實紹喚軍出曰打撈之時有此人否堅大怒拔所佩之劍要斬軍士紹曰汝斬軍人乃欺我也紹亦拔劍來殺孫堅堅揮劍迎之紹背後顏良文醜皆拔劍而出堅背後程普黃蓋韓當亦掣刀在手衆諸侯一齊攔住曰昔日登壇設盟歃血共舉大義豈可自相吞併乎勸開兩箇堅隨即上馬拔寨便起離洛陽而去紹怒曰得寶而去將欲自霸耶遂寫書一封差心腹人連夜往荊州送與刺史劉表教就路上截住而奪之比及發書速程人報曹孟德追董卓戰于滎陽大

敗而回紹遂令人迎接紹會衆諸侯置酒設宴與曹操解悶操于席上曰吾始興大義為國除賊諸侯既仗義而來却不聽吾計欲使渤海引河內之衆臨孟津酸棗諸將固守成臯據嚴倉塞轅轅大谷制其險要表將軍率南陽之軍住丹析入武關以震三輔孟津今河南府孟津縣成臯今汜水縣嚴倉山各在開封府河陽縣轅轅關各在河南府登封縣太谷在河南府閿鄉縣丹析二縣各丹城在鄧州內鄉縣武關秦之南關也今西安府商縣二輔京兆左馮翊右扶風各三輔京兆即今西安府馮翊今西安府同州扶風今鳳翔府俱屬陝西皆深溝高壘勿與戰益為疑兵示天下形勢以順誅逆可立定也今持疑而不進大失天下之望竊為將軍耻之紹等無言可對既而宴散操見紹等各懷異心料度不能成

事自引軍投揚州去了。公孫瓚與玄德曰：表紹無能爲也，久必有變。吾等且歸，遂拔寨北行。到平原，令玄德爲平原相，自去守地養軍。兗州刺史劉岱、問東郡太守喬瑁、借糧瑁推辭不與，代山連夜引軍突入瑁營，殺死橋瑁，盡降其兵。表紹見衆人各自分散，就引兵拔寨離洛陽，去投關東。却說荊州刺史劉表字景升，山陽高平人也。年幼時結交漢末名士有七人爲友，時號江夏八俊。那七人：汝南陳翔字仲麟，同郡范滂字孟博，魯國孔昱字世元，渤海范康字仲真，山陽檀敷字文友，同郡張儉字元節，南陽岑暉字公存，表身長八尺有餘，姿貌甚偉，乃漢室宗親。劉勝之後，爲荊州刺史。時有延平郡人蒯良弟越，襄陽人蔡瑁，一同扶助。當時收得表紹書，說孫堅盜去漢朝傳國之寶，走回江東，望截其路而奪之。表素與表紹至好，隨命蒯越、蔡瑁引兵一萬來截孫堅。堅軍馬已到蒯越將陣擺開，當先出馬。孫堅引軍馬立在門旗下，問曰：蒯英度，汝何故引兵截去路？○言○此○正○大○越云：汝既是漢朝臣宰，如何盜去傳國寶而歸？疾忙留下好眼相看。堅怒曰：汝乃何人，敢來問我言未畢，黃蓋挺鎗使出，蔡瑁舞刀來迎，鬪到數合，蓋提鞭去打，瑁急閃正中後心，護心鏡打缺一半。瑁撥回馬走，孫堅乘勢殺過界口。日已平西，山背後閃一彪力生軍人來到，爲首一將出馬。

乃是劉表也。孫堅就馬上施禮曰：景升何故信表紹之書，相逼鄰郡也？表曰：汝匿傳國寶，將欲反漢耶？堅曰：吾若有此物，死于刀箭之下。表曰：汝若要吾聽信，將隨軍行李，任吾搜之。堅怒曰：汝有何見？敢小覷我！拍馬衝進，劉表便退。堅趕將去，黃昏左側兩山後，伏兵齊起，背後蔡瑁、蒯越趕來，圍孫堅在垓心，畢竟性命如何。

總評

孟德追趕董卓極是不可以成敗論也。設無曹洪救出，死于徐榮伏兵之手，亦不失為忠義之鬼也。至于曹洪之言曰：天下寧可無洪，不可無王公，真知己之言也。

言也。但孟德奸雄非真心為漢耳。論至此，又不如死于伏兵之手為愈也。何也？以其猶得忠義之名也。天下有生不如死者，此類是也。

袁本初自然做不得盟主，眾諸侯解體而去，無異也。可笑孫堅亦是漢子，緣何隨口立誓，一如今之市井小夫所為。後來果不得善終，亦堅自取之也。孫堅立誓曰：死于刀箭之下，不得善終，後果如此。凡立誓者，請看此樣鬼神，豈可誑哉！鬼神豈可誑哉！

